

新刊外科正宗

新刻外科正宗卷之四

雜瘡毒門

陰瘡論第三十九

婦人陰瘡乃七情鬱火傷損

形固多不一總由邪火所化也陰中有如挺出一條蛇形尺許墜重流水溺澀者乃脾氣下陷肝火從之朝服補中益氣湯晚服龍膽瀉肝湯外塗黃藜蘆散其患漸收陰中突出如詩子如雞冠四

邊腫痛者乃肝鬱脾虛所致先以補中益氣湯加  
山梔茯苓青皮清肝補脾兼升中氣更以歸脾湯  
加山梔川芎茯苓神香附陳皮調理陰戶忽然腫突  
作痛因勞傷血分濕火下流宜四物湯加丹皮澤  
瀉花粉柴胡治之陰中生蟲慝如小蛆者乃心氣  
鬱而邪火所化宜四物加黃連膽草木通石菖蒲  
以通散心竅鬱滯外以銀杏散納入陰中陰器外  
生疔瘡内生細蟲作痒不可忍者此蟲食人臟腑

卽死令人多發寒熱與癆瘵相似有此症之婦人  
畏羞都不肯說因循日久面黃肌瘦身發寒熱咳  
嗽生痰往往不治者多矣如有此症急與逍遙散  
吞蘆薈丸早晚二服外用銀杏散綿裹塞入陰中  
殺蟲止痒半月漸愈陰戶開而不閉者憂思過也  
逍遙散歸脾湯俱加柴胡山梔白芍丹皮間服交  
接出血者肝虛有火不能藏血四物湯加膽草黃  
芩山梔柴胡新交房事傷而腫痛者珍珠散猪脊

隨調搽又婦人久居寡室淫火妄而又鬱鬱而又  
妄邪火久注多致陰中作痒生蟲此蟲食入內臟  
陰中腐爛攻刺疼痛臭水淋漓口乾發熱形削不  
食有此症者非藥能愈終歸於死又名失合症也

陰瘡治驗

一婦人陰器腫痛小水澁滯遇晚寒熱交作此肝經  
濕熱爲患以龍膽瀉肝湯二服小水通利又以四  
物湯兼小柴胡加天花粉木通炒山梔服之而愈

一婦人無辜發熱月餘忽陰中突出一物如雞冠一  
片此肝鬱脾虛所致以補中益氣湯加青皮山梔  
柴胡黃芩外以甘草白芷蒼朮紫蘇煎湯每日薰  
洗十餘日其患漸小仍用前湯倍參朮月餘而安  
一婦人陰中作痒遇夜五心煩熱作渴不睡此思慮  
太過致心腎不交以四物湯加龍膽草山梔黃連  
知母外以銀杏散納入陰中二日其痒漸止又朝  
以八味丸午用歸脾湯加銀柴胡茵陳月餘而愈

一婦人陰器半邊腫痛身發寒熱口乾便秘脉寔有力以內疎黃連湯一劑大便通利口乾乃止惟腫痛尤甚此濕毒結聚欲爲膿也以四物湯加角針澤瀉二劑膿熟脹痛又以透膿散一服出臭膿鍾許疼痛頓止以八珍湯加丹皮澤瀉十餘劑而安一婦人肝經風濕下流陰器浮腫痒甚致抓出血不痛以消風散加苦參膽草澤瀉木通山梔外以蛇床子湯薰洗搽擦銀杏散十餘日痒止腫消而愈

一婦人婦居十餘載陰器作痒生蟲舍忍不說後陰器食爛已食內臟人形消瘦發熱作渴脉洪浮數方請醫治詢問間痒痛日久陰器黑腐小水不禁內臟已壞不可用藥彼苦求治予曰痒者蟲也痛者損也先用鯽魚數枚以香料摻炙魚熟以絲綿薄裹納入陰中夾之良久取出紅蟲長者一寸短者五六分細如絲線約有二十餘條置溫水中搖擺片時方死彼家歡悅以爲可治予曰非也再取



再有生化無窮強投養血清肝藥終至不痊而死

### 陰瘡主治方

清肝滲濕湯

清肝滲濕湯四物  
木通滑石銀柴等

澤瀉翹連膽草  
蒼朮

治肝經鬱滯邪火流行致陰腫痛或風熱作痒

川芎

當歸

白芍

生地

山梔

黃連

連翹

龍膽草

各一錢

銀柴胡

澤瀉

木通

各六分

滑石

二錢

蘆薈

五分

甘草

三分

防風

八分

水二鍾淡竹葉燈心各三十件煎八分食前服

涼藥瀉火湯

涼藥瀉火湯黃芩柴胡木通茵陳草

四物山梔知母全麥冬龍膽大黃煎

治婦人懷抱憂鬱不清致生肉熱小水澀滯太便秘結及陰中火鬱作痛亦如澀淋宜此瀉之

川芎

當歸

白芍

生地

黃芩

黃連

山梔

木通

柴胡

茵陳

膽草

知母

麥門冬

各一錢

甘草

五分

大黃

酒炒一錢

水二鍾煎八分空心服便利去大黃

銀杏散。

銀杏散內用杏仁  
棗肉爲丸綿裹成

水銀輕粉雄黃稱  
陰中作瘡功效靈

治婦人濕熱下注陰中作痒及內外生瘡並用

杏仁

去皮  
尖研

輕粉

水銀

錫

雄黃

各一  
錢

右各爲細末共和一處每用五分棗肉一枚和

丸用絲綿包裹留一綿條擦線在外用塌痒湯

煎洗藥裹安入陰內留線在外恐小便取出再

入一日一換重者只四五枚痊愈仍兼服前藥

塌痒湯

塌痒湯中有苦參  
歸尾鶴虱同煎洗

狼毒靈仙床子真  
搔痒之人笑眼生

治症同上以此薰洗之

苦參

威靈仙

蛇床子

當歸尾

狼毒

各五錢

鶴虱草

一兩

用河水十碗煎數滾濾清貯盆內乘熱先薰待

溫後洗臨洗和入公猪膽汁二三枚同洗更妙

雄黃藜蘆散

雄黃藜蘆散煎頭  
芫歸湯沸乘溫洗

輕粉水片共相求  
蛇菌雞冠不久留

治婦人陰中突出如蛇或似雞冠菌樣者並治

雄黃

一錢

葱管藜蘆

二錢碾細如面

輕粉

蟹頭

煨黃色各一錢

冰片

二分

已上各研極細末和勻再研磁確收貯先用芩歸湯煎洗隨後搽藥早晚二次其患漸收

芩歸湯

芩歸湯洗陰中疔白芷甘草併膽草

蛇菌雞冠並此求薰洗餘殃盡縮頭

治症同上以此洗之

川芎

當歸

白芷

甘草

膽草

右各等分每用五錢煎湯浴洗患上隨後搽藥  
應用方

內疎黃連湯

透膿散

俱見腫傷門

補中益氣湯

八珍湯

四物湯

八味丸

俱見潰瘍門

逍遙散

小柴胡湯

俱見瘰癧門

龍膽瀉肝湯

珍珠散

俱見疔瘡門

歸脾湯

見痔瘡門

消風散

見風疹門

蛇沫子湯

見腎囊風門

蘆薈丸

見下疳門

傷寒發頤第四十

傷寒發頤亦名汗毒此因原受風寒用藥發散未盡日久傳化爲熱不散以致項之前後結腫疼痛初起身熱口渴者用柴胡葛根湯清熱解毒患上紅色熱甚者如意金黃散敷之初起身涼不渴者生勞甘桔湯散之患上微熱不紅疼痛者冲和膏和之腫深不退欲作膿者托裏消毒散已潰氣血虛

弱食少者補中益氣湯以此治之未成者消已成者潰已潰者斂亦爲平常黃道之法也用最穩

柴胡葛根湯

柴胡葛根湯花粉石膏桔梗升麻等

甘草連翹牛子芩傷寒願毒効多靈

治願毒表散未盡身熱不解紅腫堅硬作痛者

柴胡

天花粉

乾葛

黃芩

桔梗

連翹

牛蒡子

石膏各一錢

甘草五分

升麻三分

水二鍾煎八分不拘時服



牛蒡甘桔湯

牛蒡日枯湯赤芍  
加上川芎爲効藥

花粉黃連蘇木陳  
傷寒願毒盡承平

治願毒表邪已盡耳項結腫微熱不紅疼痛者

牛蒡子

桔梗

陳皮

天花粉

黃連

川芎

赤芍

甘草

蘇木

各一錢

水二鍾煎八分食後服

如意金黃散

沖和膏

俱見腫  
瘍門

補中益氣湯

見潰  
瘍門

托裏消毒散

腫瘍  
門

痲發第四十一

痲發乃天時不正之氣感而發之非毒內作也此患  
多生於手足掌心或腰腿臂下紳縮之處漫腫無  
頭增寒發熱四肢沉重煩渴爲甚初起宜服萬靈  
丹發汗解表腫仍不消者必欲作膿托裏消毒散  
兼蠟礬丸間服後法俱照癰疽潰瘍法推治爲當  
萬靈丹  
托裏消毒散

蠟礬丸

俱見腫  
瘍門

癰疽第四十二

癰疽一名蛇瘡川廣烟瘴地面有之初出先作紅點  
次變黑色腐爛筋骨小者如粟如豆大者如梅如  
李發無定處初用蟾酥餅膏貼患上寒熱交作者  
黍米寸金丹或飛龍奪命丹亦可紅腫遊走不定  
者真君妙貼散加雄黃敷之自然截住破後脾胃  
虛弱食少乾嘔者補中益氣湯加黃連麥冬補而  
不應腫高疼甚惟出清水穢汁者俱爲不治之症

飛龍奪命丹

即蟾酥丸加金頭蜈蚣二條

黍米寸金丹

真君妙貼散

見腫瘍門

補中益氣湯

見清瘍門

小腹癰第四十三

小腹癰乃七情火鬱以致脾虛氣滯而成其患小腹漫腫堅硬肉色不變有熱漸紅者屬陽易治無熱不紅者屬陰難治初起七日以前用艾當腫頂灸七壯膏蓋首尾內服壯脾胃養氣血行經補托之劑可保終吉如誤用剋伐攻利涼藥者敗症必出

十全大補湯倍加參芪薑附以救之內腐深陷者  
玉紅膏長肌收斂又補托不應者終久縱愈成漏  
十全大補湯

玉紅膏

俱見潰瘍門

鵝口疽第四十四

鵝口疽乃三陰虧損督脈之經濁氣濕痰流結而成  
其患發在尾閭之穴高骨頭尖初起形似魚脰久  
則突如鵝嘴朝寒暮熱日輕夜重潰後稀膿出而  
無禁又或鮮血出而不停凡發此者壯年猶可老

年爲慮初起宜滋陰除濕湯和之已成未潰者和  
氣養榮湯托之潰而不斂者滋腎保元湯補之久  
而成漏者琥珀蠟礬九兼先天大造丸服之甚妙

滋陰除濕湯

滋陰除濕湯知母  
柴陳貝母兼澤瀉

白芍芩歸熟地本  
骨皮甘草効多靈

治鶴口疽初起朝寒暮熱日輕夜重如瘡等症

川芎

當歸

白芍

熟地

各錢

柴胡

黃芩

陳皮

知母

貝母

各八分

澤瀉

地骨皮

甘草

各五分

水二鍾薑三片煎八分食前服

和氣養榮湯

和氣養榮湯木芪丹皮甘草沉香等

參苓熟地共陳皮還有當歸在後隨

治前症已成不得內消者宜此藥托之

人參

陳皮

白朮

黃芪

茯苓

丹皮

當歸

熟地

各一錢

沉香

甘草

各五分

水二鍾煎八分食前服

滋腎保元湯

滋腎保元湯杜仲歸苓萸肉併甘草

參芪木附桂丹皮棗姜熟地要相隨

治前症元氣虛弱膿水淋漓久而不斂者服之

人參

黃芪

白朮

茯苓

歸身

杜仲

山萸肉

牡丹皮

熟地

各一錢

附子

肉桂

甘草

各五分

水二鍾薑三片棗二枚蓮肉七枚食前煎服

琥珀蠟磬丸

見腫瘍門

先天大造丸

見流注門

龍泉疽虎鬚毒第四十五

此二毒乃腎督二脉分合行佈驟被外邪所搏而成



龍泉疽發在人中之間虎鬚毒生於地角之上初起疔瘡次生腫痛漸發寒熱甚者惡心乾嘔腮頰俱腫此穴忌灸初起宜線針挑破患頂以麩酥餅放上膏蓋使毒有門而泄四邊熨腫上如意金黃散敷之內有表症者荆防敗毒散加芩連牛子裏症內疎黃連湯已成欲其作膿芩歸內托散膿成脹痛者針之卽愈潰膿後只宜膏藥換貼其口易完此症多生於元氣壯實者故多不必服藥自愈

芍歸內托散

芍歸內托散陳皮黃芪甘草銀花等

桔梗花粉茯苓虎毒龍泉服最宜

川芎

當歸

陳皮

茯苓

天花粉

桔梗

銀花

黃芪

各一錢

甘草

五分

水二鍾煎八分食後服

如意金黃散

內疎黃連湯

荆防敗毒散

見時毒門

右榴疽第四十六

石榴瘡者乃少陽相火與外濕煎搏而成其患生在肘尖上一寸是也初起一點黃粟小泡根便開大色紅堅硬腫如覆碗皮破涎出疊如榴子令人寒戰猶如重瘡初起卽灸九壯內服蟾酥丸發汗以解蘊毒灸頂上蟾酥餅貼之膏蓋焮腫處金黃散敷之內服菊花清燥湯琥珀蠟礬丸煩躁熱甚者護心散金液戊土丹九日後患上作膿稠黃疼苦稍減表裏症退飲食微進者可保無虞反此爲逆

潰後元氣虛弱雜症相兼者照癰疽調理法治之

菊花清燥湯

菊花清燥湯生地  
柴苓甘草升麻等

知母川歸熟地皮  
犀角附冬白芍宜

甘菊

二錢

川芎

當歸

知母

貝母

白芍

生地

麥門冬

地骨皮

各一錢

升麻

犀角

甘草

柴胡

黃芩

各五分

冰二鍾淡竹葉燈心各二十件煎八分食後服

蟾酥丸

見并  
秦門

琥珀蠟礬丸

護心散

如意金黃散

俱見腫瘍門

金液戊土丹

見脫疽門

穿踝疽第四十七

穿踝疽乃足三陰濕熱下流停滯而成初起內踝腫痛疼徹骨底舉動艱辛甚則串及外踝通腫有頭者屬陽易破無頭者屬陰難潰此二者初起必寒熱交作宜荆防敗毒散加牛膝散之日久膿成脹痛者針之腐而不斂孔大者玉紅膏培之形體虛

弱者補之此症若不早治因循致成廢疾也有矣

荊芥敗毒散

見毒門

玉紅膏

見腫瘍門

### 大麻風第四十八

大麻風症乃天地間異症也但感受不同有體虛之人因驟被陰陽暴晒露霧風雨之氣所侵感之不見未經發泄凝滯肌膚積久必作又有房慾後體虛爲風邪所襲或露卧當風睡眠濕地或洗浴乘涼稀圖快意或風水所招世代留襲此等相感俱

能致之其患先從麻木不仁次發紅斑久則破爛  
浮腫無膿又謂皮死麻木不仁肉死刀割不痛血  
死破爛流水筋死指節脫落骨死鼻梁崩塌有此  
五症俱爲不治又曰心受之先損於目肝受之面  
發紫泡脾受之徧身如癰肺受之眉毛先脫腎受  
之足底先穿又爲五敗症也總皆風濕相乘氣血  
凝滯表裏不和臟腑痞塞陽火所變此其根蒂也  
初起麻木不仁肌肉未死者宜萬靈丹洗浴發汗

以散凝滯之風後服神應養真丹加白花蛇等  
久服自愈年久肌破肉死者先用必勝散疎通  
腑次服萬靈丹每日酒化一九通活血脈服至一  
月換服苦參丸輕者半年重者一載漸愈或兼服  
酒藥忌戒房事厚味動風等件可保終年不發矣

萬靈丹

見癰疽  
腫瘍門

治大麻風初起麻木不仁或既久皮膚破裂手  
足拳攣肢體不便但未指脫足穿者並宜服之



必勝散

必勝散中用大黃  
姜汁砂糖調末服

白丑檳榔共粉霜  
管發患者漸安康

治犬麻風血熱秘結臟腑不通宜用此藥利之

大黃

檳榔

白牽牛

各一錢  
粉霜五分

右各爲細末年壯者作五服中年久虛者作七  
服用生薑四兩搗汁赤砂糖三錢加水一大杯  
三味和勻臨睡時腹中稍空頓溫通口服之卽  
睡至三更遍身麻木如針刺頭目齒縫俱痛此  
藥尋病之功已達行出大小二便或青白黑黃

父或紅蟲之類此乃病根也一月內服藥三次

澀疹眉髮俱生肌膚如舊齒縫有血宜漱後藥

### 漱藥方

漱藥方中有二般水煎加入些些片

貫衆黃連一處攪止血何愁甚不安

貫衆黃連各三錢水二鍾煎一半入冰片少許每日陸續漱之其血自止兼忌動風油膩之物

### 苦參丸

苦參丸內藥多般新久麻風諸壞症

品味難將一一列將來久服自能安

治大麻風毋分新久穿破潰爛老幼俱可服之

### 苦參

一斤

### 大風子

肉六兩

### 荆芥

十六兩

防風

白芷

各六兩

全蝎

何首烏

白附子

枸杞子

威靈仙

當歸

大胡麻

川芎

蒺藜

大皂角

川牛膝

牛旁子

獨活

各五兩

蔓荆子

風藤

羌活

逆翹

蒼朮

天麻

杜仲

草烏

泡去皮尖

甘草

各三兩

人參

一兩

砂仁

二兩

白花蛇

二兩切片炙黃

右藥共爲細末醋打老米糊爲丸梧桐子大每

服三四十九溫酒食前後任下避風忌口爲妙

麻風藥酒方

麻風酒膝木防歸  
羌活草麻併鱉甲

苦杞姜秦虎節隨  
茅根加上効堪推

防風

當歸

虎骨

秦艽

羌活

苦參

牛膝

姜蠶

松節

鱉甲

蒼朮

枸杞子

白茅根

各二兩

草麻子仁

一兩

川好雪酒二十五斤用藥袋盛浸酒內封壘口

煑香二枝取起水內浸一伏時取服數杯自效

雄硫散

雄硫散內鳳凰皮  
桃肉共和猪胆汁

山甲相兼滑石隨  
眉毛脫落擦之宜

治大麻風眉毛鬚髮脫落作痒者宜此藥擦之

雄黃

硫黃

鳳凰皮

卽雜雞殼燒黃  
存性各五錢

川山甲

炒黃

滑石

一兩

右各爲細末用半油核桃肉一兩搗爛同公猪  
膽汁一箇同前藥和勻用青紗包藥擦之日用  
三次其髮漸生如舊

又擦麻風病而生紫塊疔瘡方用川山甲灰炒川椒

爲末各二錢生薑汁土大黃根二汁調稠絹包擦  
患上如久藥乾加水調擦亦効忌動風發物等件

翻花瘡第四十九

翻花者乃頭大而蒂小小者如豆大者若菌無苦無  
疼揩損每流鮮血久亦虛人以津調水螻散遍擦  
正面上用軟油紙包裹根蒂細處用線連紙扎緊  
十日後其患自落換珍珠散摻之收口又有根蒂  
不小如螿棋子樣難扎以前藥擦上用麩糊綿紙

封上二重用心勿動亦以十日外落之摻珍珠散

冰蠶散

見療  
癰門

珍珠散

見下  
癰門

腋癰第五十

腋癰俗稱夾癰此肝脾二經爲患肝經血滯脾經氣  
凝共結爲腫初起皮色不變漫腫無頭日久方疼  
乃生寒熱此患難消終必作膿未破者柴胡清肝  
湯已破者十全大補湯去肉桂加香附陳皮軟腫  
脹痛者針之膏貼但此症首尾溫補忌用寒涼也

柴胡清肝湯

見髮  
疔門

十全大補湯

見潰  
瘍門

脇癰第五十一

脇癰多從鬱怒肝火者發之肥胖內實者鮮此症初起宜梔子清肝湯柴胡清肝湯解鬱瀉火已成者托裏消毒散加青皮香附膿已成者卽針之勿傷內膜已破後八珍湯加丹皮山萸澤瀉兼滋腎水又虛勞所得者破流臭敗稀膿補托不應者必死

托裏消毒散

見腫  
瘍門

梔子清肝湯



柴胡清肝湯

俱見髮  
流門

八珍湯

鼻痔第五十二

鼻痔者由肺氣不清風濕鬱滯而成鼻內瘰肉結如  
榴子漸大下垂閉塞孔竅使氣不得宣通內服辛  
夷清肺飲外以硃砂散逐日點之漸化為水乃愈  
兼節飲食斷厚味戒急暴省房慾愈後庶不再發  
之清肺飲 辛夷清肺飲黃芩  
麥冬甘草石膏等  
百合山梔知母稱  
升麻批葉一同論  
治肺熱鼻內瘰肉初如榴子日後漸大閉塞孔

竅氣不宜通者服之

辛夷

六分

黃芩

山梔

麥門冬

百合

石膏

知母

各一錢

甘草

五分

枇杷葉

三片  
去毛

升麻

三分

右水二鍾煎八分食後服

礪砂散

礪砂散內用雄黃  
爲末將來患上點

粉霜冰片在其藏  
能消瘰肉自然光

治鼻生瘰肉初如榴子漸大下垂名爲鼻痔也

礪砂

一錢

輕粉

三分

冰片

五厘

雄黃

三分

右共爲末用草桔咬毛蘸藥勤點痔上日用五  
六次自然漸化爲水而愈

取鼻痔秘法先用回香草散連吹三次次用細銅筋  
二根筋頭鑽一小孔用絲線穿孔內二筋相離五  
分許以二筋頭直入鼻痔根上將筋線絞緊向下  
一拔其痔自然拔落置水中觀其大小預用胎髮  
燒灰同象牙末等分吹鼻內其血自止戒口不發

回香草散

匠回香草散奇功  
爲末共吹於鼻痔

加上良姜二味同  
尤如拾芥在其中

回香草高良姜晒乾等分爲末用此先吹鼻痔  
上二次片時許隨後方行取法其痔自然易脫  
骨槽風第五十三

骨槽風初起生於耳前連及腮項痛隱筋骨次則漸  
漸漫腫寒熱如瘡牙關緊閉不能進食此得於鬱  
怒傷肝致筋骨緊急思慮傷脾致肌肉腐爛膏粱  
厚味致膿多臭穢初則堅硬難消久則瘡口難合  
初宜艾灸腫項及耳垂下五分各灸七壯膏貼以

泄內毒真君妙貼散敷腫上牙關內腫用線針刺  
去惡血冰硼散搽之使內外毒氣得解宜服降火  
化痰消熱消腫之劑潰後當托裏藥中加麥冬五  
味外腐者玉紅膏使水昇火降脾健金清乃愈又  
有外腐不合虛熱不退堅腫不消形焦體削者死

清陽散火湯

清陽散火湯翹苓  
石膏甘草荆防等

白芷升麻牛子迎  
加上當歸蒺藜成

治牙根盡處結腫連及耳項作痛名骨槽風也

升麻

白芷

黃芩

牛蒡子

連翹

石膏

防風

當歸

荆芥

白茯苓

各一錢

甘草

五分

水二鍾煎八分食後服。

中和湯

中和湯芍竹芎歸  
桔梗肉桂防風等

甘草參芪白芷宜  
藿香姜棗効堪題

治前症。已經穿潰。流膿臭穢。疼痛不止者。服之。

人參

黃芪

白朮

白芷

川芎

當歸

甘草

桔梗

白芍

各一錢

肉桂

麥冬

藿香

各五分

水二鍾。薑三片。棗二枚。臨服入酒一杯。食後服。

應用方

真君妙貼散

玉紅膏 俱見腫瘍門

冰硼散

見咽喉門

紫白癩風第五十四

紫白癩風乃一體二種。紫因血滯。白因氣滯。摠由熱體風濕所侵。凝滯毛孔。氣血不行所致。此皆從外來矣。初起毛竅閉而體強者。宜萬靈丹以汗散之。

次以胡麻丸常服外用蜜陀僧散搽擦亦可得愈

胡麻丸

胡麻丸內用防風  
苦參獨活菖蒲等

白附威靈甘草同  
瘰癧風赤白効神功

治瘰癧風初起皮膚作痒後發瘰癧風漸生開大者

大胡麻

四兩

防風

威靈仙

石菖蒲

苦參

各二兩

白附子

獨活

各一兩

甘草

五錢

右爲細末新安酒漿跌成丸子每服二錢形瘦者一錢五分食後臨臥白滾湯送下忌動風發物海腥煎炒雞鵝羊肉火酒等件愈後戒百日



雌雄四黃散

雌雄散用石硫黃  
還有雌黃饒不得

川槿皮同白附子  
管發癩症一時者

治紫白癜風皮膚作痒日漸開大宜用此搽之

石黃

雄黃

硫黃

白附子

雌黃

川槿皮

各等分

右爲細末紫癩醋調用豎槿木毛頭蘸藥擦患

上白癜用薑切開蘸藥擦之擦後三日忌下湯

水戒食雞鵝牛羊煎炒海腥火酒等件不復發

又方

白癩紫癩一般風

雄黃硃砂等分同

茄蒂端來擦患處

不消三日有神功

白加蛇殼同來擦

晉教前患永無踪

肥皂方

癩風酒刺雀班方  
附子豆粉獐冰等

皂角甘松山柰藏  
白芷陀僧楮實詳

皂角

甘松

山柰

白芷

各二錢

蜜陀僧 白附子

朝腦

各一錢

楮實子

蒙荳粉

各三錢

右爲細末用去淨皮弦肥皂一觔搥勻洗擦患

上日久自効

蜜陀僧散

見汗班門

齒病第五十五

齒病者有風有火亦有陽明濕熱俱能致之風痛者  
遇風發作浮腫隨後生痛以消風散治之火痛者  
則齒根必掣扯腮顫陣陣作痛時發時止以冰硼  
散擦之出涎自愈陽明經濕熱作痛者其患腮顫  
浮腫甚者牽引太陽疼連頰項口中熱氣大便結  
燥當宜涼膈散加石膏治之又腫高軟者內必有

膿用針刺破出膿自愈有齒齲腐爛出血不止者  
內服犀角地黄湯外搽人中白散又小兒鑽齒疔  
牙根尖穿出齒根肉外芒刺嘴唇作痛用披針挑  
破牙面好肉以手取去本牙出血不止以濕紙換  
貼二三次其血自止必兼戒厚味其牙復生如舊

### 涼膈散

涼膈散中用石膏 山梔薄荷共連翹  
黃芩甘草淡竹葉 還有大黃豈可逃

治陽明經濕熱上攻致牙根腮項作腫多痛者

連翹

山梔

黃芩

薄荷

各一錢

甘草

五分

大黃

二錢

朴硝

一分

石膏

一分

五分

淡竹葉

三十片

右水二鍾煎八分入蜜三匙和勻食遠服

清中散

清中散內牡丹皮升麻還與山梔子

生地黃連甘草歸胃經積熱効堪推

治胃經積熱牙齒或牙齦腫痛或牽引頭腦作痛或面熱耳紅並皆治之

當歸

黃連

生地

山梔

各一錢

牡丹皮

六分

升麻

八分

甘草

五分

右水二鍾煎八分食遠服

華撥散

華撥散中真阿魏  
玉牙風痛皆堪點

麝香水花共相依  
晉教時刻樂喜噓

治風濕疔牙作腫疼痛如陽明內熱作疼勿用

華撥

真阿魏

各二錢

冰片

麝香

各一分

右爲細末每川半豆許擦放牙根痛縫中吐去  
熱涎溫湯漱之再搽卽愈

又牙疼方

牙疼方中君華撥  
飛鹽加入同來點

蟾酥必定與川椒  
諸般牙痛卽時消

華撥

錢一

蟾酥

二分

川椒

五分

飛鹽

三分

右共爲末用草桔咬毛蘸藥搽點痛牙根上妙

犀角地黄湯

犀角地黄湯芍藥陽明積熱皆堪服

更兼一味牡丹皮止血還須用此醫

治陽明積熱牙齦腐爛出血不止及諸吐血衄血嘔血通治之

犀角

鈔

生地

白芍

牡丹皮

各等分

每五錢水二鍾煎八分不拘時服面色痿黃大便黑者更宜服之又牙縫中無辜出血者亦妙

止血四生湯

止血四生湯荷葉用水同煎飲一鍾

生艾柏枝地黃列諸般血症登時列

生荷葉

生艾

生柏葉

生地黄

各二錢

水二鍾煎一鍾食後溫服臨入童便一杯更妙

人中白散

見口疳門

消風散

見疥瘡門

### 腦漏第五十六

腦漏者又名鼻淵總因風寒凝入腦戶與太陽濕熱交蒸乃成其患鼻流濁涕或流黃水點點滴滴長濕無乾久則頭眩虛暈不已治以藿香湯主之天麻餅子調之亦可漸愈如日久虛眩不已內服補



中益氣湯六味地黃丸相間服之以滋化原始愈

奇受藿香湯

元來奇受藿香湯  
鼻淵腦漏皆堪美

豬胆同功効莫量  
不過三服永無殃

治鼻淵黃水濁涕長流致腦戶虛眩不已用藿

香連枝帶葉者五錢水一碗煎七分加公豬膽

汁一枚和勻食後通口服之至重者不過三服

如此藥苦甚不堪服用藿香末一兩公豬胆汁

熬稠膏爲丸每服二錢食後白滾湯送下亦効

應用方

補中益氣湯

六味地黃丸

化見潰瘍門

天麻餅子

見頭痛門

破傷風第五十七

破傷風因皮肉損破復被外風襲入經絡漸傳入裏其患寒熱交作口禁咬牙角弓反張口吐涎沫入陰則身涼自汗傷處反爲平陷如故其毒內收矣當用萬靈丹發汗令風邪反出次以玉真散患上貼之得膿爲効如汗後前症不退傷處不高漸醒

漸昏時發時止口禁不開語聲不出者終爲死候

玉真散

玉真散內用南星  
天麻還兼白附子

白芷防風羌活靈  
破傷風症奏功能

治破傷風牙關緊急角弓反張甚則咬牙縮舌

南星

防風

白芷

天麻

羌活

白附子

各等分

右爲末每服二錢熱酒一鍾調服更敷傷處若  
牙關緊急腰背反張者每服三錢用熱童便調  
服雖內有瘀血亦愈至於昏死心腹尚溫者連

進二服亦可保全若治風犬咬傷更用漱口水

洗淨搽傷處亦効

萬靈丹

見腫瘍門

治破傷風牙關緊急角弓反張時昏時止者服

鎮風散

鎮風散用鰾膠礬 杭粉 硃砂在此間 每服二錢和熱酒 破傷風症自回還

治破傷風諸藥不効事在危急者用之必應也

鰾膠

切段 微焙

杭粉

焙黃

皂礬

各一兩 炒紅色

硃砂

三錢 另研

右爲細末每服二錢無灰熱酒調服如一切猪  
羊等風發之昏倒不醒人事者每服三錢二服  
卽愈不發外灸傷處七壯知疼痛者乃爲吉兆

跌撲第五十八

跌撲者有已破未破之分亡血瘀血之故且如從高  
墜墮而未經損破皮肉者必有瘀血流注臟腑人  
必昏沉不醒二便必難當以大承湯通利二便其  
人自甦不醒者獨參湯救之尋常墜墮輕者以復

元活血湯調之。又如損傷骨節筋斷血流不止者，獨勝散止之。次用花並石散搽之。又有跌斷骨節大損等症，此則另有專門接骨扎縛未及詳註也。

大成湯

大成湯內補硝黃、蘇木、當歸、甘草、良陳皮、厚朴、紅花等。木通、枳殼共煎膏。

治跌撲傷損，或從高墜下，以致瘀血流入臟腑，昏沉不醒，大小便秘，及木杖後瘀血內攻，肚腹膨脹，結胸不食，惡心乾嘔，大便燥結者，並服之。

陳皮

當歸

蘇木

木通

紅花

厚朴

甘草

各一錢

枳殼

二錢

大黃

三錢

朴硝

二錢

右水一碗煎八分不拘時服服後二時不行渣再煎臨臥服入蜜立應亦妙

調中二陳湯

調中二陳湯枳殼青皮紫椽防風實

羌活芍藥歸烏藥苓

治前症已服行藥之後當進此藥立見服調之

陳皮

半夏

茯苓

甘草

枳殼

大腹皮

紅花

川芎

當歸

白芍

各八分

防風

檳榔

黃芪

桔梗

青皮

烏藥

蘇合

枳實

黃芩

紫蘇

各六分

木香

三分

右水二鍾薑三片棗二枚煎八分不拘時服

獨參湯

獨參湯力最專功昏沉不醒人事者

跌撲金瘡出血多瀝之入腹起波瘡

治跌撲損傷或金瘡出血過多昏沉不醒者服  
人參一兩切片水二碗煎一半不拘時通白服



之渣再煎服其人自甦再用渣加川米一合煎

湯溫服

花蓋石散

花蓋石散麝檀香 乳沒辛蘇烏芥薑  
羌龍白芷蛇含石 木降香南星粉霜

治跌撲傷損及金瘡刀箭兵刃所傷斷筋損骨  
疼痛不止新肉不生者並効

乳香

沒藥

羌活

紫蘇

細辛

草烏

蛇含石

便燥  
三冬

厚朴

白芷

降香

當歸

蘇木

檀香

龍骨

南星

輕粉

各二錢

麝香

三分

花蘆石

童便煨七次五錢

右共研極細確收聽用葱湯洗淨用此摻之軟綿紙蓋扎一日一換神効此藥一時未備可用多骨疽門生肌散代之暫用亦可取効危急也

玉紅膏

見腫瘍門

治跌撲損傷或金瘡斷損筋骨已經血止疼痛作膿宜用此膏葱湯洗淨日搽傷處黑膏蓋之

金瘡第五十九

金瘡乃刀刃所傷或有磁鋒割損淺者皮破血流而  
已深者筋斷血飛不住皮破者桃花散摻之其血  
自止筋斷者如聖金刀散摻扎止復又流者此症  
急用玉紅膏塗傷處膏蓋長肉蓋筋骨肉方斷斯  
人面色必黃外避風寒內忌冷物終保無妨有失  
血過多者獨參湯八珍湯補助爲要此無外法矣  
如聖金刀散

如聖金刀散二卷  
刀傷損破肌流血

松香細末共加茶  
摻上應知効不難

治刀刃所傷皮破筋斷飛血不止者用松香淨末七兩枯礬生礬各一兩五錢共爲極細末確密收摻傷處紙蓋絹扎止後三四日後必熈痛作膿換摻生肌散三日三次其疼卽止以後日用葱湯洗之換搽玉紅膏長肉生肌避風爲要

桃花散

桃花散最治金瘡 止血消瘀効莫量  
大黃同與石灰炒 將來一摻卽無妨

治金瘡出血不止用石灰半升同大黃一兩五錢切片同炒石灰變紅色爲度去大黃篩細摻

損上紙蓋絹扎止血後用葱湯洗淨換搽玉紅膏長肌收斂兼戒口味房事爲要

獨參湯

見跌撲門

八珍湯

見潰瘍門

杖瘡第六十

杖瘡乃良肉受傷之患有已破未破之分正刑酷刑之說已破肌肉者隨杖後以清涼拈痛膏敷之瘡腫卽消未破瘀血內攻者用針放出內蓄瘀血再以大成湯下之便通自愈如傷處瘀腐已作疼痛

者王紅膏搽之自然腐化生新而愈至於辱刑重刑難受之時宜預服鐵布衫丸方得保身全命也

鐵布衫丸

鐵布衫丸乳沒歸木鱉再加無名異

地龍蘇木自然隨杖盡人間苦杖危

治情不由已事出不虞受害一身重刑難免當預服之受刑不痛亦且保命

自然銅

煨紅醋浸七次

當歸

酒洗搗膏

無名異

洗去浮土

木鱉子

香油搽殼上灰焙用肉

乳香

沒藥

地龍

去土晒乾

蘇木

外科正宗

卷之四

右八味各等分爲細末煉蜜丸如雞頭實大每服三丸預用白湯送下縱非刑辱拷可保無虞

散瘀拈痛膏

散瘀拈痛膏罕稀加上樟冰金黃散

麻油石灰水共齊杖齧敷上笑嚙嚙

治杖後皮肉損破紅紫青班焮腫疼痛重墜者

用腫瘍門如意金黃散一兩加樟冰三錢碾勻

以白石灰一升用水二碗和勻候一時許用灰

土面清水傾入碗內加麻油對分和水以竹筋

攪百轉自成稠膏調前藥稀稠得所聽用杖後

帶血不用湯洗將藥通便敷之紙蓋布扎夏月  
一日冬月二日方用葱湯淋洗乾淨仍再敷之  
痛止腫消青紫卽退傷重者另搽玉紅膏完口

又方

杖刑之後肉不破 瘀血攻疼沒門路

將針點破膿血流 管致患者隨行步

大成湯

見跌撲門

治杖後瘀血內攻肚腹膨脹惡心便秘者服之



珍珠散

見下  
疔門

沿杖瘡已經長肉平滿惟不生皮用此搽即愈

湯潑火燒第六十一

湯潑火燒此患原無內症皆從外來也有湯火熱極  
逼毒內攻又有外傷寒涼極毒入裏外皮損爛者  
以清涼膏粟殼膏塗之毒氣入裏煩躁口乾二便  
秘澀者四順清涼飲下之泡破珍珠散搽之自愈

四順清涼飲

四順清涼飲赤芍  
當歸北草山梔等

防風羌活共連翹  
大黃加上熱俱消

治湯潑火燒熱極逼毒入裏或外被涼水所波  
火毒內攻致生煩躁內熱口乾大便秘實者服

連翹

赤芍

羌活

防風

當歸

山梔

甘草

各一錢

大黃

炒二錢

右水二鍾燈心二十根煎八分食遠服

嬰粟膏

嬰粟膏醫湯火燒

麻油白蠟共煎熬  
將凝加上真輕粉  
塗於患上痛隨消

治湯潑火燒皮損爛疼苦燉熱起泡流水者

麻油四兩嬰粟花十五朵無花以葭代之浸油

內煎枯濾清將油再入杓內下白占三錢熬化  
傾入罐內待四邊將凝時下真輕粉細末二錢  
攪勻水內頓冷取起臨用將泡挑破用抵脚挑  
膏手心中捺化捺患上軟綿紙蓋扎日換二次  
其疼卽止次日將軟帛搥淨腐皮再捺之自愈

珍珠散

見下  
疔門

治湯潑火燒腐皮已盡疼痛已止用此捺卽愈  
前杖瘡門中石灰水調麻油成膏卽清涼膏也

搽湯撥火燒亦効

甲疽第六十二

甲疽者或因甲長侵肌又因修甲損傷良肉靴鞋窄小俱易生之其患齧肉裹上指甲腫痛異常難施步履初宜三品一條鎗貼齧肉上化盡自愈日久齧肉堅硬須水蠅散化之後用珍珠散搽上必瘥

三品一條鎗

見痔瘡門

珍珠散

見下疳門

繭脣第六十三

齒唇乃陽明胃經症也因食煎炒過食炙燻又兼思慮暴急痰隨火行留注於唇初結似豆漸大若蠶齒突腫堅硬甚則作痛飲食妨礙或破血流久則變爲消渴消中難治之症初起及已成無內症者用麻子大艾炷灸三壯貼蟾酥餅膏蓋日久漸消內症作渴者早服加減八味丸午服清涼甘露飲以滋化源日久流血不止形體瘦弱虛熱痰生面色黧黑腮頰紅現口乾渴甚者俱爲不治之症也

清涼甘露飲

清涼甘露飲柴芩  
石斛枳殼廿生地

麥冬犀角共茵陳  
知母枇杷葉可尋

治蠱脣膏梁所釀暴怒所結遂成斯疾高突堅  
硬或損破流血或虛熱生痰或渴症久作並治

犀角

銀柴胡

茵陳

石斛

枳殼

麥門冬

甘草

生地

黃芩

知母

枇杷葉

各一錢

水二鍾淡竹葉燈心各二十件煎八分食後服

加減八味丸

見續  
傷門

瞻酥餅

見并  
瘡門

瘡癰第六十四

瘡癰皆緣內傷過度氣血橫逆結聚而生初起腹中  
覺有小塊舉動擗引作疼久則漸大成形甚者翕  
翕內動斯時必氣血衰弱飲食減少內服阿魏化  
瘡散外貼乾坤一氣膏祛邪養正氣攻補自全安

阿魏化瘡散

阿魏化瘡散  
藜蘆大黃併鱉甲

白木紅花赤茯苓  
空心羅川酒調宜

川芎

當歸

白朮

赤茯苓

紅花

阿魏

鱉甲尖

酥炙研  
各一錢

大黃

酒炒  
八錢

蕎麥麩

一兩  
微炒

右共爲末每服三錢空心好酒一茶鍾調稀服  
三日後腹痛便出膿血爲驗忌生冷腥暈等件

乾坤一氣膏

一氣膏歸並附稜  
赤白芍玄生熟地

巴菴蓬甲續靈成  
桂阿乳沒鱉香能

此膏專治痞疾母論新久立効又治諸風癱瘓濕  
痰流注各樣惡瘡百般怪症男子夜夢遺精婦人  
赤白帶下又男女精寒血冷久無嗣息者並貼之

當歸

白附子

赤芍

白芍



白芷 生地 熟地 川山甲

木鱉肉 巴豆仁 草麻仁 三稜

蓬朮 五靈脂 續斷 肉桂

玄參 各一兩 乳香 沒藥 各一兩

麝香 三錢 真阿魏 二兩切薄

右咀片川香油五筋存下四味餘皆入油浸春三夏五秋七冬十期畢桑柴火熬至藥枯細絹濾清每淨油一觔入飛丹止三兩將油入鍋內下丹梔

枝攪摻其膏候成端下鍋來川木盆坐穩漸下阿  
魏片泛化已盡方下乳沒麝香再攪勻乘熱傾入  
磁罐內分三處盛之臨用湯中頓化痞病紅段攤  
貼餘病綾絹俱可攤之有腫者對患貼之男子遺  
精婦人白帶俱貼丹田諸風癱瘓貼腎俞穴並効  
天蛇毒第六十五

天蛇毒一名蛇頭疔也乃心火旺動攻注而成其患  
指大腫若蛇頭赤腫焮痛疼及連心甚者寒熱交

作腫痛延上腫頂上小艾灸五壯以雄黃散塗之  
內服蟾酥丸發汗解毒輕者漸消腫者潰膿甚則  
腐爛破後腫仍不消者以蟾酥條插入孔內膏蓋  
自効腐爛者玉紅膏搽之虛而不斂者兼服補劑

雄黃散

雄黃散內用蟾酥  
四味同來爲細末  
水調患處日三塗  
水片還將輕粉和

治天蛇毒初起紅腫發熱疼痛徹心者宜用之

雄黃

明亮者  
二錢  
蟾酥  
二分  
水片  
一分  
輕粉  
五分

共爲細末新汲水調塗紙蓋日川三次極効

蟾酥丸

見疔瘡門

玉紅膏

見瘡門

頭痛第六十六

頭痛者風火濕痰四者皆能致之又楊梅瘡毒上攻亦有此症或婦人產後梳洗當風大早亦致之名曰頭風宜用後方母論病之新久受之真似並効

天麻餅子

天麻餅子草川烏 芫花 甘防 蒼朮 厚荷 細辛 松白 附 雄黃 全蝎 一相途

治頭痛因風火濕痰上攻及楊梅瘡毒所致兼治

頭目昏眩項背拘急肢體煩痛肌肉蠕動耳哨蟬

鳴鼻塞多嚏皮膚頑麻癢痒癩疹又治婦人頭風  
作痛眉稜骨疼牙齒腫痛痰逆惡心者並皆治之

天麻

草烏

湯泡  
去皮

川芎

細辛

蒼朮

甘草

川烏

湯泡  
去皮

薄荷

甘松

防風

白芷

白附子

去皮各  
五錢

雄黃

金錫

各三  
錢

右爲細末寒食麵打糊搗稠如寒豆大捻作餅  
子每服二十二餅食後細嚼葱頭湯送下屬火

熱痰痛者茶湯下甚者日進二服忌諸般發物

三聖散

三聖散用鬧楊花 槿樹紅花總一家  
二味再加風子肉 頭風偏正樂無涯

治男婦頭痛不論偏正新久但夏月欲重綿包  
裹者並効

鬧楊花

淨末  
一錢

槿樹花

淨末  
一錢

大風子

白肉去  
油五分

共研每服六分葱酒調服洗浴發汗自愈

合谷毒第六十七

合谷疥俗稱虎口百丫也此患多有疔瘡泡起亦有

紅絲走上故有疔名之稱此手陽明胃經濕毒攻注作痒或熱焮疼初起挑破貼蟾酥餅膏蓋金黃散敷之三日後腫聚必欲作膿換膏貼之軟腫脹痛者膿已成針之卽愈腫甚寒熱者必內外消托

金黃散

見腫瘍門

蟾酥餅

見疔瘡門

鼻出血第六十八

鼻中出血乃肺經火旺逼血妄行而從鼻竅出也外用紫土散敷顛頂止肉服羚羊清肺湯亦可自止

羚羊清肺湯

羚羊清肺湯柴芍  
玄地芩歸石膏等

非藕蒲黃地骨皮  
杞連蘆薈白茅宜

治鼻中無故出血不止及尋常吐血咳血並効

羚羊角

鎊

黃連

銀柴胡

玄參

石膏

川芎

當歸身

白芍

生地

蒲黃

地骨皮

山梔

各一錢

蘆薈

甘草

各五分

藕節

三箇

白茅根

四兩搗汁

川水一碗  
和絞去渣

用茅根汁一大碗煎七分入童便一杯食後服



紫土散

紫土散須從治法  
將藥敷於顛頂土

更兼火酒要謂稠  
自然血止不相流

治鼻中無辜出血不止用傾銀紫土新碾碾細  
以火酒調敷顛門上其血自止此從治之法也  
牙縫出血第六十九

牙縫血出陽明胃經實火上攻而出也又有胃虛火  
動腐爛牙齦以致淡血常常滲流不已實火清胃  
散棟果裘塞之虛火蘆薈丸人中白散服搽自愈

清胃散

清胃散中用石膏  
丹皮加上升麻好

蒼連生地不相饒  
陽明胃熱卽時消

治胃經有熱牙齒或牙齦作腫出血不止並効

黃芩

黃連

生地

丹皮

升麻

石膏

各一錢

水二鍾煎八分食後服

棟果裹治陽明胃經實火上攻血從牙縫流出用棟  
樹果二箇連肉核搗爛絲綿包裹先用溫湯漱淨  
瘀血塞於牙縫內其血自止

盧薈丸

人中白散

見口疳門

血箭血痣第七十

血箭出於心經火盛逼血從毛竅出也血痣由於肝  
經怒火鬱結其形初起色紅如痣漸大如豆措之  
血流治血箭以桃花散凉水調敷或金墨塗搽自  
止血痣須用冰蠟散枯去本痣以珍珠散搽之生  
皮乃愈血甚者內服涼血地黃湯兼戒口味始痊  
涼血地黃湯 涼血地黃湯黃連 當歸甘草山梔全  
加上玄參芎藭更添 無毒出血卽安然

治血箭血痣內熱甚而逼血妄行出血如飛者

黃連

當歸

生地

山梔

玄參

甘草

各等分

水二鍾煎八分量病上下服之

桃花散

見跌撲門

水蠟散

見瘰癧門

珍珠散

見干癩門

鵝掌風第七十一

鵝掌風由手陽明胃經火熱血燥外受寒涼所凝致皮槁槁又或時瘡餘毒未盡亦能致此初起紫斑

白點久則皮膚枯厚破裂不已二礬湯薰洗卽愈

二礬湯

二礬湯中自皂礬  
先薰後洗油州照

見茶柏葉在其間  
鵝掌風頑愈不難

治鵝掌風皮膚枯厚破裂作痛宜用此湯薰洗  
輕則不宜越重越効

白礬

皂礬

各四兩

孩兒茶

五錢

柏葉

半兩

用水十碗同上藥四味煎數滾候用先用桐油  
搽抹患上以桐油蘸紙擦點着以烟焰向患上  
薰之片時方將前湯乘滾貯淨桶內手架上用

布蓋以湯氣薰之勿令泄氣待微熱傾入盆內  
蘸洗良久一次可愈七日忌下湯水永不再發  
腎囊風第七十二

腎囊風乃肝經風溼而成其患作痒喜浴熱海甚者  
疔瘡頑麻破流脂水宜蛇床子湯薰洗二次卽愈

蛇床子湯

蛇床子湯當歸尾  
河水同煎薰患處

苦參犀角用靈仙  
腎囊風痒得安然

治腎囊風濕熱爲患疔瘡作痒搔之作疼宜洗

蛇床子

當歸尾

威靈仙

苦參

各五錢

水五碗煎數滾入盆內先薰待溫浸洗二次愈

狼毒膏

狼毒膏中風子肉 檳榔五倍子相同  
川椒床子硫豬胆 油沸投確共此求

治症同前

狼毒

檳榔

硫黃

五倍子

川椒

風子肉

蛇床子

各三錢

右爲末用香油一大杯煎滾入皮硝三錢再煎  
滾次下公豬膽汁一個和勻調前藥搽擦患上  
此藥諸痒瘡用之並効

疥瘡論第七十三

夫疥者微芒之疾也發之令人搔手不閑但不知其  
何以生者疥曰吾不根而生無母而成乃稟陰陽  
氣育溼熱化形常列於王侯掌上何妨士庶之身  
可使文人怕筆繡女停針毋分貴賤一例施行醫  
問曰不生於身獨攻於手者又何也疥曰手掌乃  
太陰溼土所主手心又少陽相火所司土能生我  
火能化我此生皆賴溼土陽火所化故生者必自



出於手掌醫曰然哉但其形知動而不知靜能進而不能退自非清氣所化也又脾主消納胃主傳化人之飲食未有不從厚味者厚味之中溼熱並化致生此瘡又清氣隨脉循行濁氣留滯不散停留肌膚積日不解隨後生熱發痒故痒熱之中溼火混化爲蟲形隨溼化動隨火化此無情而之情也既化之後潛隱皮膚展轉攻行發痒鑽刺化化生生傳遍肢體近則變爲疥癬久則變成頑風

多致皮膚枯槁浸淫血脉搔痒無度得湯方解外  
以綉毬丸搽擦堪爲止痒殺蟲內服消風散亦可  
散風涼血必得兼戒口味辛熱莫啜忌洗熱湯其  
煩自脫此爲小恙不當陳說閑中之言隨筆而曰

消風散

消風散內歸生地  
胡麻知母牛蒡等

蟬脫荆防蒼若參  
石膏甘草木通行

治風溼浸淫血脉致生疥疥搔痒不絕及大人  
小兒風熱癩疹遍身雲片斑點乍有乍無並効

當歸

生地

防風

蟬脫

知母

苦參

胡麻

荆芥

蒼朮

牛蒡子

石膏

甘草

木通

各五分

水二鍾煎八分食遠服

當歸飲子

當歸飲子芍藥芪  
并草何首烏荆芥

生地防風白蒺藜  
諸風疥癬服相宜

治血燥皮膚作痒及風熱瘡疥癢痒或作疼痛

當歸

川芎

白芍

生地

防風

白蒺藜

荆芥

何首烏

各一錢

黃芪

甘草 各五分

水二鍾煎八分食遠服

綉毬丸

綉毬丸內用樟木  
雄黃枯礬風子肉

輕粉川椒其水銀  
諸瘡疥癩安寧

治一切乾淫疥瘡及膿窠爛瘡癢痒無度者效

樟木

輕粉

川椒

枯礬

水銀

雄黃 各二錢

風子肉 一百枚  
另碾

以上共爲細末同大風子肉再碾和勻加粗油  
一兩化開和藥攪勻作丸圓眼大於瘡上擦之

諸瘡一掃光

諸瘡一掃光硫栢木  
銀風子神水等  
砒苦參朋膠共參  
木盤床椒枯白礬

此藥凡治痒瘡不論新久及身上下或乾或溼  
異類殊形但多痒少痛者並宜用之俱各有効

苦參

黃栢

各一斤

烟膠

一斤  
木鱉肉

蛇床子

點紅椒

明礬

枯礬

硫黃

風子肉

樟冰

水銀

輕粉

各二兩

白礬

五錢

其爲細末熟猪油二斤四兩化開入藥攪勻篩

九龍眼大磁瓶收貯用時搽擦患上二次卽愈

洗痒瘡方

洗痒瘡方只二般  
河水煎湯頻浴洗

苦參猪膽共相攪  
管教諸痒卽當安

苦參半斤切片用河水三四瓢煎藥數滾參水  
二瓢住火片時濾去渣臨洗和公猪膽汁四五  
枚攪勻淋洗痒上三日一洗三次亦可痊愈矣  
廉瘡論第七十四

廉瘡者風熱溼毒相聚而成有新久之別內外之殊  
新者只用三香膏乳香法紙貼之自愈稍久紫黑

者以解毒紫金膏搽北漸可又年久頑膿皮肉烏  
黑下陷臭穢不堪者用蜈蚣餞法去風毒化癩腐  
方可得愈外膿多服四生丸內膿多服腎氣丸妙

三香膏

三香膏內乳松香  
先洗葱湯方貼扎  
輕粉油調紙內藏  
何妨新久爛膿

治癰瘡初起多疼少痒未經受風紫黑者宜用

乳香

松香

輕粉

各等分

右爲細末香油調稠用夾紙一面以針密刺細  
孔將藥夾搽紙內先以葱湯洗淨將紙有孔一

面對瘡貼之三日一換自効忌房事煎炒等件

乳香法紙

乳香法紙有奇功 疼痛腫瘡欲此逢  
功在粉霜相協力 三朝一換笑顏濃

治癰瘡作痛不愈先用乳香礮細末一兩聽用  
以呈文油紙四張每紙一張攤平篩乳香末二  
錢五分勻篩紙上雙折捲一寸濶將捲紙復作  
三折兩頭以線扎之用甘草一兩二錢水三碗  
將捲過藥紙浸入甘草湯內上用重物壓之煮  
數滾取起紙來解去扎線將紙攤開桌上每張



用輕粉三錢摻乳香上用棕糊刷排刷相勻提  
起藥紙帶溼以無藥一面對板壁上貼之陰乾  
收用臨時隨患大小剪紙多少先用溫湯洗瘡  
隨將紙有藥一面對瘡貼之絹扎三日一換自  
然止痛生肌如貼後內無水出不必換貼自愈

蜈蚣錢

蜈蚣錢治久頑臙 獨活桐油白芷煎  
非草加上同煎煮 傾入瘡中黑腐獨

治臙瘡多年黑腐臭爛作疼諸藥不効者用桐  
油二兩獨活白芷甘草蜈蚣各一錢入油內煎

滾先將膿上洗淨用白麩水調作團圍在瘡之  
四邊毋令泄氣走油將脚放平以茶匙挑油漸  
漸乘熱加滿待油溫取去已後腐肉風毒自然  
脫下用解毒紫金膏搽上紙蓋絹扎三日一換

解毒紫金膏

見結毒門

治膿瘡毋論新久及頑瘡年久不愈者並用之

四生丸

四生丸療久膿瘡  
地龍白附姜蚕等

骨節多疼舉動妨  
草烏靈脂莫相忘

治外膿血風頑瘡骨節疼痛不能舉動或行步

不前或渾身瘙癢或麻痺不仁或坐璣疹並効

地龍

去土

姜蚕

炒去絲

白附子

五靈脂

草烏

去皮尖泡各等分

右爲細末米糊丸桐子大每服三四十九食前  
茶酒任下

腎氣丸

見肺癰門

血風瘡第七十五

血風瘡乃風熱溼熱血熱三者交感而生發則搔癢

無度破流脂水口漸沿開甚者內服消風散加牛  
膝黃柏外搽解毒雄黃散或如意金黃散俱可敷  
之如年久紫黑堅硬氣血不行者用針砭去黑血  
以神燈照法薰之以解鬱毒次以前藥敷之方効  
解毒雄黃散

治風溼流注腿脚致生血風頑瘡紫黑癢痒者

雄黃

四兩

硫黃

八兩

右二味共碾細末栢油調搽紙蓋之三日一換

如意金黃散

見腫瘍門

治症同前用公猪膽汁調稠敷患上油紙蓋托

勿動待其自脫脫後色紅再敷之以色白爲度

神燈照法

見腫瘍門

治年久紫黑血風頑瘡流水作痒不絕先用葱湯洗淨患上點火以燈焰薰之每薰二燃爲度

涼血消風散

見疥癩門

頑癬第七十六

頑癬乃風熱溼蟲四者爲患發之大小圓斜不一乾  
濕新久之殊風癬如雲朶皮膚嬌嫩抓之則起白  
屑濕癬如蟲形癢之則有汁出頑癬抓之則全然  
不痛牛皮癬如牛項之皮頑硬且堅抓之如朽木  
馬皮癬微痒白點相連狗皮癬白斑相簇此等總  
皆血燥風毒尅於脾腑二經初起用消風散加浮  
萍一兩葱豉作引取汗發散久者服首烏丸蠟礬  
丸外擦土大黃膏用椶皮散選而用之亦可漸効

土大黃膏

土大黃膏用白礬  
川椒三味研成末

硫黃八兩共加參  
頑癬搽之不費難

治乾溼頑癬不論新久但皮膚頑厚串走不定  
惟痒不痛者

硫黃

八兩

生礬

四兩

點紅川椒

二兩

右各爲末用土大黃根搗汁和前藥調成膏碗  
貯新癬抓損擦之多年頑癬加醋和擦如日久

藥乾以醋調搽牛皮癬用穿山甲抓損擦之妙

頑癬必効方

頑癬必効川槿皮  
斑猫大黃百藥煎

輕粉雄黃巴豆宜  
陰陽水和海桐皮

治多年頑癬諸藥薰擦搽洗不効者用之卽愈

川槿皮

四兩輕粉

雄黃

各四錢

百藥煎

四餅

斑猫

全川一錢

巴豆

去油一錢五分

大黃

二兩

海桐皮

二兩

右爲極細末用陰陽水調抓損敷藥必待自落

又頑癬方

頑癬方中川槿皮再加七個風子肉

斑猫輕粉各相宜新筆塗將患處醫

川槿皮

二錢輕粉五分

斑蝥

七個

大風子

七個

河井水共一鍾煎一半露一宿筆蘸塗之

頑癬浮萍丸

浮萍丸內蒼耳草姜蚕鈎藤併蒂菴

蒼木黃芩共苦參酒丸服下可回春



紫背浮萍

蒼朮

蒼耳草

各二兩

苦參

四兩

黃芩

姜蚕

各一兩

釣藤

一兩五錢

菴荬草

二兩酒蒸

共爲末酒糊丸白滾湯每服二錢隨病上下服

膿窠瘡第七十七

膿窠瘡乃肺經有熱脾經有溼二氣交感其患先從水泡作痒後變膿泡作疹所成膿窠瘡也甚者清熱散風涼血除溼治之涼血消風散是也外以蛇

床子散或諸瘡一掃光搽之亦効兼戒口味自愈

蛇床子散

蛇床子散用黃丹  
大黃不少松香末

輕粉枯礬風肉良  
麻油調許治膿瘡

治膿窠瘡生於手足遍身根硬作脹痒痛非常

蛇床子

大風子

肉

松香

枯礬

各一兩

黃丹

大黃

各五錢

輕粉

三錢

右爲細末麻油調搽溼爛者乾摻之

膿窠又方

膿窠方中用石膏  
還有枯礬能燥溼

黃栢黃丹輕粉  
搽之痛痒卽時逃

黃栢

一兩以公猪膽汁  
搽之火上炙三錢

石膏

煨一兩

輕粉

二錢

黃丹

枯礬

各三錢

右爲末麻油調搽溼者乾摻

應用方

涼血消風散

諸瘡一掃光

俱見疥瘡門

凍風第七十八

凍風者肌肉寒極氣血不行謂肌死患也初起紫斑久則變黑腐爛作膿者以碧玉膏主之生肌歛口

碧玉膏

見結毒門

治凍風皮肉損爛膿水淋漓疼痛不止者用之

獨勝膏

獨勝膏來最散寒 來風凍耳一般安  
六月每逢三六日 搽之冬凍不相干

治凍風凍跟凍耳每遇冬寒則發六月初六十

六二十六日用獨蒜搗膏日中晒熱在於遇冬

所發之處擦之忌下湯水一日共擦三次不發

又每常凍風用茄楷同葱煎湯浸洗再不重發

火丹第七十九

火丹者心火妄動三焦風熱乘之故發於肌膚之表

有乾溼不同紅白之異乾者色紅形如雲片上起  
風粟作痒發熱此屬心肝二經之火治以涼心瀉  
肝化斑解毒湯是也溼者色多黃白大小不等流  
水作爛又且多疼此屬脾肺二經溼熱宜清肺瀉  
脾除溼胃苓湯是也腰脇生之肝火妄動名曰纏  
腰丹柴胡清肝湯外以楮葉散如意金黃散敷之  
化斑解毒湯

化斑解毒湯石膏

玄參知母共連翹黃連升麻勞子等

甘草人中黃更高

治三焦風熱上攻致生火丹延及遍身痒痛者

玄參

知母

石膏

人中黃

黃連

升麻

連翹

牛蒡子

各等分

甘草

五分

水二鍾淡竹二十片煎八分不拘時服

除溼胃苓湯

除溼胃苓湯草朴防風滑石山梔等

陳皮二木澤猪苓木通薄桂赤苓各

治脾肺二經溼熱壅遏致生火丹作爛疼痛者

防風

蒼朮

白朮

赤茯苓

陳皮

厚朴

猪苓

山梔

木通

澤瀉

滑石

各一錢

甘草

薄桂

各三分

水二鍾燈心二十根煎八分食前服

栝葉散

栝葉散中蚯蚓糞

赤豆大黃君莫混

治三焦火甚致生火丹作痒或作痛延及遍身

側栝葉

炒黃芩末五錢

蚯蚓糞

韭菜田內者作

黃栝

大黃

各五錢

赤豆

輕粉

各三錢

右爲細末新汲水調搽

經履火丹方用寶鈔一張燒化存性研爲細末用水  
醋調稀鷄翎蘸塗患上一日三次卽愈忌食發物

如意金黃散

見腫瘍門

治火丹不論新久痒痛用新汲水調敷亦好

### 天泡第八十

天泡者乃心火妄動脾溼隨之有身體上下不同寒  
熱天時微異上體者風熱多於溼熱宜涼血散風  
下體者溼熱多於風熱宜滲溼爲先外用胡粉散



石珍散搽之自愈此不早治變爲頑風紫癩難痊

解毒瀉心湯

解毒瀉心湯芩連  
山梔滑石玄參草

荆防牛子石膏全  
木通知母共相煎

治心經火旺酷暑時臨致生天泡發及遍身者

黃連

防風

荆芥

山梔

黃芩

牛蒡子

滑石

玄參

知母

石膏

各一  
錢

甘草

木通

各五  
分

水二鍾燈心二十根煎八分食遠服

清脾甘露飲

清脾甘露飲茵陳  
麥冬澤瀉蒼朮

赤地翹芩梔赤苓  
玄明粉草共燈心

治脾經溼熱鬱遏乃生天泡下體多而疼痛者

白朮

赤茯苓

山梔

茵陳

麥門冬

生地

黃芩

枳殼

蒼朮

澤瀉

連翹

甘草

玄明粉

各等分

水二鍾竹葉燈心各二十件煎八分食前服

胡粉散

胡粉散治天泡瘡  
蛤粉共將研細末

杭粉輕粉石膏當  
絲瓜汁和効無雙

治天泡紅腫發熱急脹疼痛用針挑破搽此藥

杭粉

一兩

輕粉

石膏

煨

蛤粉

各三錢

共研極細挹乾患上用此摻之或用絲瓜葉搗

汁調搽亦好如冬月無此用染布青缸汁調搽

石珍散

石珍散中煨石膏  
青黛再添黃栢末

還兼輕粉不相饒  
將來一摻疾然消

治天泡日久作爛疼痛不已膿水淋漓者宜用

石膏

煨

輕粉

各一兩

青黛

黃栢末

各三錢

右共研細甘草湯洗淨以此藥摻之其疼卽止

肺風粉刺酒皰鼻第八十一

肺風粉刺酒皰鼻三名同種粉刺屬肺皰鼻屬脾總皆血熱鬱滯不散所謂有諸內形諸外宜真君妙

貼散加白附子敷之內服枇杷葉丸黃芩清肺飲

枇杷葉丸

枇杷葉丸天花粉肺風粉刺併皰鼻

甘草黃芩酒跌丸三症吞之俱可安

治肺風粉刺鼻皰初起紅色久則肉匏發腫者

枇杷葉

去毛刺八兩

黃芩

酒炒四兩

甘草

一兩

天花粉

四兩

其爲末新安酒跌丸桐子大每服一錢五分食

後併臨睡白滾湯茶湯俱可送下忌火酒煎炒

黃芩清肺飲

黃芩清肺飲芩歸  
連翹乾葛天花粉

赤芍防風生地隨  
薄荷紅花共此爲

治症同前

川芎

當歸

赤芍

防風

生地

乾葛

天花粉

連翹

紅花

各一錢

黃芩

二錢

薄荷

五分

水二鍾煎八分食後服用酒一杯過口

真君妙貼散

見腫  
癰門

治肺風粉刺鼓鼻紅赤紫腫早晚用涼水調敷  
雀斑第八十二

雀斑乃腎水不能榮華於上火滯結而爲斑當以六  
味地黃丸以滋化源外以玉容丸早晚搽洗漸愈

玉容丸

玉容丸 旆羌獨松 荆礬 辛柰芷麻風  
芡蘇椒檀蚕藥本 陀僧紅棗菊花蓬

治男婦雀斑酒刺及身體皮膚麤糙並用此洗

其松

山柰

細辛

白芷

白蘇

白芨

防風

荆芥

姜蚕

山梔

藜本

天麻

羌活

獨活

陀僧

枯礬

檀香

川椒

菊花

各一錢

紅棗肉

七枚

以上共爲細末用去淨弦膜肥皂一斤同槌作

丸如秋冬加生蜜五錢如皮膚皴槁加牛骨髓

三錢早晚洗之肌膚自然潔潔如玉溫潤細膩

玉肌散

玉肌散用生藥豆  
變末還兼白附子

滑石白芷同研就  
肺風酒刺真不謬

一切風溼雀斑酒刺白屑風皮膚作痒者並勅

萊豆

半升

滑石

白芷

白附子

各二錢

共爲細末每用三匙早晚洗面時湯調洗患上

六味地黃丸

見肺癰門

### 油風第八十三

油風乃血虛不能隨氣榮養肌膚故毛髮根空脫落  
成片皮膚光亮痒如虫行此皆風熱乘虛攻注而

然治當神應養真丹服之外以海艾湯薰洗並効

海艾湯

海艾湯中甘菊花  
其粉藥本蔓荆子

防風薄荷藿香加  
荆芥同煎効可誇



治油風血虛風熱所致皮膚光亮眉髮脫落者

海艾

菊花

薄荷

防風

藁本

藿香

甘松

蔓荊子

荊芥穗

各二錢

用水五六碗同藥煎數滾連渣共入瓶口鉢內

先將熱氣薰面候湯溫蘸洗之留藥照前再洗

神應養真丹

見鶴膝風門

治風寒著溼襲於三陽部分以致血脈不能榮

迎肌膚虛痒發生眉髮脫落皮膚光亮者服之  
白屑風第八十四

白屑風多生於頭面耳項髮中初起微痒久則漸生  
白屑叠叠飛起脫之又生此皆起於熱體當風風  
熱所化治當消風散面以玉肌散擦洗次以當歸  
膏潤之髮中作痒有屑水者宜翠雲散搽之自愈

祛風換肌丸

祛風換肌丸蒼朮  
苦參北草靈仙等

首烏牛膝石菖蒲  
芫歸花粉共相和

治白屑風及紫白癜風頑風頑癬溼熱瘡疥

切諸瘡搔痒無度日久不絕愈之又發宜服之

威靈仙 石菖蒲 何首烏 苦參

牛膝 蒼朮 大胡麻 天花粉

各等分

甘草 川芎 當歸

減半

右爲末新安酒跌丸菘豆大每服二錢白湯送下忌牛肉火酒雞鷺羊等發物

消風散

見疥瘡門

翠雲散

見楊梅瘡門

玉肌散

見雀斑門

潤肌散

見白脫瘡門

耳病第八十五

耳病乃三焦肝風妄動而成大人由虛火實火之分  
小兒有胎熱胎風之別虛火者耳內蟬鳴或兼重  
聽出水作痒外無焮腫此屬虛火妄動之症也四  
物湯加牡丹皮石膏蒲及腎氣丸主之實火者耳  
根耳竅俱腫甚則寒熱交作疼痛無時宜柴胡清  
肝湯治之又有耳挺結於竅內氣脉不通疼痛不  
止以梔子清肝湯爲治外用黃線藥插入挺肉縫

傷化盡乃愈小兒胎熱或浴洗水灌竅中亦致耳  
竅作痛生膿初起月間不必搽藥治早項內生腫  
候毒盡自愈如月外不差以紅綿散治之則安矣

紅綿散

紅綿散內用枯礬麝香胭脂在其間  
小兒耳內流膿淚一搽將來換笑顏

治耳內流膿腫痛已消膿尚不止方用此搽之

枯礬

上白  
三錢

乾胭脂

紅

麝香

一分  
五釐

共研極細末磁罐收貯先用綿裘絞盡耳內膿  
溼綿裘滾藥送入耳底自愈

聰耳蘆薈丸

聰耳蘆薈丸 木香 山梔 青黛 南星 等

苓歸 服草 與大黃 柴麝 青皮 共此良

治肝膽有火耳內蟬鳴漸至重聽不聞聲息者

蘆薈

大黃

蒸 蒸

青黛

柴胡

各五 錢

龍膽

當歸

山梔

青皮

黃芩

各一 兩

木香

二 錢

南星

三 錢

麝香

五 分

右爲末神麩糊爲丸棗豆大每服二十一丸食

後薑湯送下日服三次漸効

柴胡清肝湯

梔子清肝湯

俱見鬢 疽門

外科正宗  
卷之四  
四物湯

見潰瘍門

腎氣丸

見肺癰門

漆瘡第八十六

漆瘡由來自異有感而弗感也俗稱木生人感之非也但漆乃辛熱火象有毒之物人之皮毛腠理不密故感其毒先發爲痒抓之漸似癩疹出現皮膚傳遍肢體皮破爛斑流水作痛甚者寒熱交作宜莖菜汁調三白散塗之服化斑解毒湯忌浴熱水兼戒口味不然變爲頑風癬癩愈而又發者多矣

三白散

三白散中用石膏  
調搽必用生薑汁  
杭粉輕粉不相傳  
漆瘡敷上卽時消

杭粉

一兩

石膏

三錢

輕粉

五錢

各爲末  
葑菜汁調敷  
紙蓋如無菜汁涼水調敷

化斑解毒湯

見火  
丹門

竹木刺第八十七

竹木刺外入之患有軟硬之分  
淺深之異軟淺者以  
針頭撥見刺形拔出則愈  
硬深難出者用螻蛄搗  
爛塗刺上一時許其刺自然吐出  
取去之則愈矣



花蕊石散

見跌撲門

治竹木刺傷腫痛流膿以慈湯洗淨用此搽之

瘰癧瘡第八十八

瘰癧者窠如撒粟尖如芒刺痒痛非常渾身草刺此

因熱體見風毛竅所閉宜服消風散洗用苦參湯

甚者皮損匝匝成瘡以鵝黃散軟絹帛蘸藥撲之

苦參湯

苦參湯用大萆薢蒲

河水煎來患上磨  
臨洗再加猪胆汁  
可教諸痒自然除

治瘰癧瘡作痒抓之又疼坐如糠穩難以安睡

用苦參四兩大菖蒲二兩河水五瓢同煎數滾  
添水二瓢蓋片時臨洗和入公猪膽汁四五枚  
淋洗患上不二三次全愈後避風忌食發物

鵝黃散

鵝黃散中真豆粉  
四味將來研細末  
黃栢滑石輕粉稱  
止痛收乾遂吾心

治瘰癧瘡作痒抓之皮損隨後又疼用此撲之

菜豆粉

一兩滑石

五錢

黃栢

三錢

輕粉

二錢

右爲細末以軟絹帛蘸藥撲於患上止痛收乾

消風散

見疥  
瘡門

疔瘰第八十九

疔瘰乃風熱溼痰所生有冬溫後天時不正感發傳  
染者多兩腮腫痛初發寒熱以柴胡葛根湯散之  
外敷如意金黃散在裏內熱口乾二便不利者四  
順清涼飲利之表裏俱解腫仍不消必欲作膿托  
裏消毒散膿成者卽針之體虛人兼服補托自愈

柴胡葛根湯

見傷寒  
發頤門

四順清涼飲

見湯  
發門

痰包第九十

痰包乃痰飲乘火流行凝注舌下結而飽腫綿軟不  
硬有妨言語作痛不安用利剪刀當包剪破流出  
黃痰若蛋清稠粘難斷捺盡以冰硼散捺之肉服

二陳湯加黃芩黃連薄荷數服忌煎炒火酒等件

加味二陳湯

加味二陳湯半夏  
芩連薄荷姜三片

茯苓甘草共陳皮  
痰飲生來服此宜

治痰飲流注舌下發腫作痛針刺已破者服之

陳皮

半夏

茯苓

甘草

黃芩

各八分

黃連

薄荷

各五分

水二鍾薑三片煎八分食前服

冰硼散

見咽  
喉門

癩風第九十一

癩風乃陽明溼熱沸騰於肌表或外受風寒侵襲而成其患初起水泡作痒成瘡破流脂水痒至徹骨久則成片傳及遍身好浴熱湯形如風癩初起上體多者防風通聖散去硝黃加葱頭三莖發汗以散外毒下體多者去麻黃以攻內毒以服祛風換

肌丸初服消風清燥湯外成諸瘡一掃光成片流  
水者真君妙貼散皮膚頑厚有蟲者麥餞散搽之

消風清燥湯

消風清燥湯生地  
花粉苦參併蟬蛻

芩芍防歸苓共連  
甘草靈仙共此全

川芎

當歸

白芍

生地

防風

黃芩

黃連

天花粉

蟬蛻

苦參

靈仙

各一錢

甘草

五分

水二鍾煎八分食遠服

應用方

防風通聖散

見時毒門

祛風換肌丸

見白屑風門

真君妙貼散

見腫瘍門

諸瘡一掃光

見疥瘡門

溼腫第九十二

溼腫者皆脾氣受傷之病或飲食後驟受風寒所侵或飢渴時悞食生冷所滯寒積於中食不化其患胸膈不寬小水不利面目浮腫漸至遍身此土傷不能生化之故也宜用二蛟散疎通稼土溫養脾元其小水自利浮腫自消此方百發百中之妙

二蛟散

二蛟散內焙皮硝  
淫腫糖湯調服下

陳米三年要炒焦  
如蛟行水自然消

治生冷惱怒傷脾致胸膈不寬小水不利面目  
四肢浮腫諸藥不効用三年老黃米炒焦黃色  
爲末提淨芒硝三兩鍋內溶化炒乾爲末每用  
一平杯和勻再碾極細大人壯實者每服三錢  
小兒十歲上下者一錢二分俱用赤砂糖三茶  
匙和白滾湯半茶鍾空心調服至午大便一次  
至晚再便一次其疾先從眼胞消起日久元氣



虛者與加味胃苓湯間服至重者不過五服愈

加味胃苓湯

加味胃苓湯米苓  
澤瀉猪苓併厚朴

參查芍半藿香陳  
甘草香附効如神

治脾胃受傷胸膈不寬兩脇膨脹小水不利面  
目四肢浮腫者服之

陳皮

茯苓

白朮

白芍

各一錢

藿香

人參

厚朴

山查

澤瀉

半夏

各五分

甘草

猪苓

各三分

香附

女人加一錢

姜三片燈心二十根水三鍾煎八分食前服

咬傷第九十三

人咬爲患良肉受傷但齒乃陽明胃經有餘臟腑多  
火多熱生穴於此凡食經此無不燂爛下咽又飲  
食炙燂之毒無不侵襲故傷人發腫其痛異常臭  
膿腐爛痛徹連心是感牙之毒也初咬時一日內  
衆撒熱小便浸傷處洗淨牙黃瘀血咬孔上蟾酥  
餅貼之膏蓋後出微膿漸愈如咬時未經此法致

腫痛發胖疼甚者亦與童便浸洗挹乾用麤紙擦  
蘸麻油點火用烟焰薰腫痛上良久方住以解牙  
毒仍以蟾酥條插入孔內膏蓋候腫消時換玉紅  
膏搽之長肉完口如有雜症相兼者亦隨症而治

蟾酥餅條

見疔瘡門

玉紅膏

見腫瘍門

葱白甘草湯

葱白甘草湯容易  
每日常將頻洗之

咬傷疼痛兼臭穢  
消痰散腫功全備

治咬傷焮腫疼痛膿血淋漓臭穢腐爛者用葱  
白二兩粉草五錢水三碗煎至二碗每日洗淨

傷處瘀腐膿血方用玉紅膏搽之黑膏蓋漸愈  
風犬傷第九十四

風犬乃朝夕露卧非時不正之氣所感故心受之其  
舌外出肝受之其目昏蒙脾受之其涎自流肺受  
之其音不出腎受之其尾下拖此五臟受毒成爲  
風犬乃稟陰陽肅殺之氣故經此必致傷人隨咬  
卽服救生散小便中行出血片忌諸口味麻物赤  
豆等俱不可見百日乃安治之遲者毒大而小便

難出必攻臟腑久則成形腹脹攻急人聲若犬眼  
神露白者俱爲不治有愈後復犯前禁觸之仍死

救生散

救生散用七斑蠶  
抗粉一錢同作末  
惟用全身翹足饒  
空心酒服効功高

治風犬咬傷用生斑蠶七個去頭翅足抗粉一

錢同研空心溫黃酒調服一時許小便行出血  
片白脂乃惡物也如便疼煎甘草湯飲之自利

如毒未盡次早再一服以小便清白方爲毒盡

又方治風犬咬有効其人頂中必有紅髮一根急須

拔去以追風如聖散敷傷處抽毒氣服救生散

追風如聖散

追風如聖散防風白芷細辛蒼木等

川草烏芩薄荷同雄黃加上効無窮

治風犬咬傷隨用敷之其毒即可拔出

細辛

防風

川烏

薄荷

草烏

川芎

白芷

蒼朮

各一兩

雄黃

錢四

共爲末溫酒調敷傷處以紙蓋扎早晚換二次

風犬傷之要靜居

諸麻赤豆大葷祛

百日之中都忌見

敢教患者樂年餘

女人面生黧黑斑第九十五

黧黑斑者水虧不能制火血弱不能華肉以致火燥  
結成斑黑色枯不澤朝服腎氣丸以滋化源早晚  
以玉容丸洗面斑上日久漸退兼戒憂思動火勞  
傷等件但此生於夫主不利疑事不決者常有之

腎氣丸

見肺  
癰門

玉容丸

見雀  
斑門

鈕叩風第九十六

鈕扣風皆原風溼凝聚生瘡久則搔痒如癬不治則沿漫項背當以冰硫散擦之甚者服消風散亦妙

冰硫散

冰硫散內用川椒 朝腦生瘡豈可饒 蘿蔔內藏煨熟藥 還將猪脂共相調

硫黃

兩

獐冰

川椒

生礬

各二錢

其爲末先用白蘿蔔一個摳空其內將藥填滿復將原皮蓋之溼紙包三四層灰火內煨半時許待冷取開用藥同熟猪油調稍搽患上自愈

消風散

見瘡門



枯筋箭第九十七

枯筋箭乃憂鬱傷肝肝無榮養以致筋氣外發初起如赤豆大枯點微高日久破裂趨出筋頭縫鬆枯槁多生胸乳間宜用絲藥線齊根繫緊七日後其患自落以珍珠散摻之其疤自收兼戒口味不發

絲藥線

見瘦癩門

珍珠散

見下癩門

婦人脚丫作痒第九十八

婦人脚丫作痒乃從三陽風溼下流凝結不散故先

作痒而後生溼爛又或足底灣曲之處痒溼皆然

枯癬散

枯癬散中煨石膏  
四味將來爲末搽  
黃丹輕粉不相饒  
脚上溼痒卽時消

枯癬

五錢

石膏

煨

輕粉

黃丹

各三錢

右爲末溫湯洗淨搽藥卽愈

手足破裂第九十九

手足破裂破裂者乾枯之象氣血不能榮養故也因  
熱肌驟被風寒所逼凝滯血脉以致皮膚漸枯漸  
癢乃生破裂日襲於風風熱相乘故多作痛以玉

肌散洗擦潤肌膏潤之甚者兼服當歸飲子爲妙

玉肌散

見雀  
斑門

潤肌膏

見白  
禿  
瘡門

當歸飲子

見疥  
瘡門

### 眼丹第一百

眼丹脾經有風胃經多熱其結爲腫風多者則浮腫  
易消熱甚者則堅腫難散初起宜用金黃散敷之  
有表症者荆防敗毒散裏症者清胃散加大黃利  
之如後不散必欲作膿宜換膏貼之膿成者卽針

遲則眼頭自破此乃睛明穴內空難斂成漏者多

荆防敗毒散

見時毒門

清胃散

見牙縫出血門

金黃散

見腫瘍門

黑子第一百一

黑子瘡名也此腎中濁氣混滯於陽陽氣收束結成  
黑子堅而不散凡人生此終爲不吉面部不善者  
去之宜細銅管將瘡套入孔內撚六七轉令瘡入  
管一拔便去有瘡浮淺不能拔者用針挑損瘡上

搽水蠅散少許糊紙蓋之三日自脫或灰米膏點之亦可落後珍珠散乾摻生皮而愈忌醬醋無斑灰米膏用成塊火灰減水調稠將白川米插入灰內留半米在外片時許候米熟用米點痣上可落矣

水蠅散

見癩瘰門

珍珠散

見下疳門

眼胞菌毒第一百二

菌毒者乃脾經蘊熱凝結而成其患眼胞内生出如菌頭大蒂小漸長垂出甚者眼翻流淚亦致昏蒙

治宜用軟綿紙蘸水瘡之眼施上少頃用左手大  
指甲佃於患根右手以披針尖頭齊根切下血出  
不妨隨用翠雲靛磨濃塗之其血自止內服涼膈

清脾飲二服仍忌海腥煎炒椒薑火酒等件不發

涼膈清脾飲

涼膈清脾飲薄荷黃芩赤芍連翹等

荆防生地石膏圖甘草山梔豈可無

防風

荆芥

黃芩

石膏

山梔

薄荷

赤芍

連翹

生地

各一錢

甘草

五分

水二鍾燈心二十根煎八分食後服

翠雲靛治眼胞菌毒用針割後塗之杭粉五兩銅綠  
末一兩輕粉一錢共研極細用黃連一兩同川  
米百粒水一碗煎一半再熬折去二分和藥作  
錠陰乾臨用清水少許淨視上磨濃雞翎蘸搽  
患上又治爛弦風眼或暴赤腫痛者箠搽更効

體氣第一百三

體氣一名胡氣此因父母有所傳染者又有胡胎而

受生者故不脫本來氣質凡此腋下多有棕紋數孔出此氣味常以五香散擦之內用蒜壯席常作饌食之亦可解其氣味可漸而退此法常取効也

五香散

五香散內用沉檀 還有一零零併木香 加上麝香功更捷 敢教體氣不相妨

沉香

檀香

木香

零零香

各三錢

麝香

三分

共爲細末每用五釐津調擦兩腋下三日一次或用香末二錢絹袋盛貯挂於腋下亦効



蒜肚方用公猪肚一具入大蒜囊四十九枚去殼入  
肚內以線扎口水煮極爛用鹽醋蘸肚隨便食之  
氣味甚者用癩蝦蟆一個入內同煮肚爛去蝦蟆  
大蒜用熱酒食之洗浴發汗避風三日其氣頓改

曰禿瘡第一百四

白禿瘡因剃髮腠理司開外風襲入結聚不散致氣  
血不潮皮肉乾枯發爲白禿久則髮落根無榮養  
如禿斑光潤不痒內血已潮以薑蘸潤眊膏常擦

其髮漸生禿斑乾枯作痒者內必有虫宜用麥餞散搽之虫死風散髮生可愈後忌動風發物等件

麥餞散

見痘風瘡門

治禿瘡頭毛脫落白斑如癬瘡茄壘壘叠起痒甚猶若虫行葱湯洗淨瘡茄潔淨用麻油調搽以毡帽戴之隨後作疼發腫忍之三日後其茄漸漸而脫愈之後不復作其髮亦生戒諸發物

諸瘡一掃光

見疥瘡門

治禿瘡髮脫作痒本藥一錢加倒挂塵二分加  
燈窩宿油調搽自愈

潤肌膏

潤肌膏內用麻油 紫草當歸一處投  
能搽禿瘡枯槁色 加之黃蠟効應收

治禿瘡乾枯白斑作痒髮脫用麻油四兩當歸  
五錢紫草一錢同熬藥枯濾清將油再熬加黃  
蠟五錢化盡傾入碗內頓冷搽擦患上漸愈矣  
奶癬第一百五

奶癬兒在胎中母食五辛父食炙煖遺熱與兒生後

頭面遍身發爲奶癩流脂成片睡卧不安搔痒不絕以蚊蛤散治之或解毒雄黃散甚則翠雲散妙

### 蚊蛤散

蚊蛤散用點胡椒  
加上輕粉香油和

二味將來同炒焦  
嬰兒奶癩卽時消

蚊蛤

四兩

點紅川椒

二兩

輕粉

五錢

先將蚊蛤打成細塊鍋內炒黃色次下川椒同炒黑色烟起爲度入罐內封口存性次日入輕粉碾爲細末確收貯香油調搽奶母戒口爲妙

### 解毒雄黃散

見血風  
瘡門

翠雲散

青紅汁調搽  
見楊梅瘡門

蟾拱頭第一百六

蟾拱頭俗名猶猪是也患小而稟受悠遠皆父精母  
血蓄毒而成生後受毒者只發一次其患腫高破  
之又腫皆稟受時原有衣膜相裹毒雖出而膜未  
除故愈又發腫甚膿熟者用針刺破以三品一條  
鎗插入孔內化盡內膜自愈又有不腫而不收口  
者此必風襲患口宜敷銅散搽之兼戒口味自愈  
敷銅散

敷銅散効爲何因  
銅錫鉛礬摠化戍  
性熱亦能收溼水  
一乾而不復回津

治蟾拱頭已破後膿水不乾愈之又發久不收  
口用化銅舊確爲末洗淨患上香油調搽忌口

三品一條鎗

見痔  
毒門

小兒遺毒爛斑第一百七

遺毒乃未生前在於胞胎稟受因父母楊梅瘡後餘  
毒未盡精血孕成故既生之後熱湯洗浴烘薰衣  
物外熱觸動內毒必發於肌膚之表先出紅點次  
成爛斑甚者口角穀道眼眦鼻面皮肉俱壞多妨

乳哺啼叫不安初治宜早內與土茯苓湯調入中黃末每日數次共飲四五分外用解毒紫金丹磨塗患上効者可保十中三四遲延毒甚爛斑遍身不乳者百中難活一二此由根蒂受毒之深故也人中黃治小兒諸胎毒痘疹黑陷內收唇焦口乾風熱斑疹赤遊丹毒兼治大人傷寒陽症發狂或諸惡瘡毒氣入裏口燥咽乾煩渴悶亂中諸砒草河蛇等毒諸般急病無有不効用毛竹一段兩頭留

節一頭鑽一小孔用粉草磨爲細末從孔灌滿以木條塞緊孔眼用磚扎之沉入大糞池內半年取起長流水浸一日帶竹風乾磁罐收貯大人每服二錢小兒每服三四分涼水調服小兒胎毒爛斑土茯苓湯調服尋常熱病入應病藥中調服卽効

真君妙貼散

見腫瘍門

治小兒胎毒皮肉腐爛疼痛不安用此數卽効

解毒紫金丹

見疥瘡門



蠱帖串第一百八

蠱帖串者乃得於思慮傷脾脾氣鬱結所生是疾氣  
血澆薄者多蓋四肢屬脾土其患多生於兩手初  
起骨中作疼漸生漫腫堅硬不熱不紅手背及內  
關前後連腫數塊不能轉側日久出如豆腐漿汁  
串通諸竅日夜相流腫痛仍在患者面黃肌瘦飲  
食減少久則寒熱交作內症並出首尾俱宜益氣  
養榮湯加味逍遙散調和氣血扶助脾胃其中可

生者十有三二矣補而不應氣血滯盡而亡者多

益氣養榮湯

加味逍遙散

見藥  
歷門

小兒痘風瘡第一百九

痘風瘡因痧痘後毒發未盡留熱肌膚復被外風侵入其患先從細瘡作痒次漸沿開成片脂水生痂

搔之無度因用麥餞散搽之兼戒口味避風自愈

麥餞散

麥餞散治痘風瘡  
川椒生熟枯礬等

硫黃人信要相當  
麻油調搽自然光

治小兒痘風作癢疊疊成片甚則頑麻不知痛

用小麥一升炒枯黃色乘熱入鉢內和硫黃四兩白砒一兩細末攪勻待冷取起加烟膠半斤川椒三兩生枯礬各二兩共碾細末臨用葱湯洗淨用麻油調搽油紙蓋扎三日一換三次愈

小兒赤遊丹第一百十

赤遊丹受毒於未生前發病於有生後蓋身在胞胎皆賴父精母血藉以生養父母不能節其慾多致淫火猖熾胎必侵受又不能戒諸厚味以及炭火

烘薰重衾疊褥往往受熱子無弗有及致生後熱  
湯洗浴烘薰衣物觸動內毒而欲發之時先發身  
熱啼叫驚搐次生紅腫光亮發熱瞬息遊走發無  
定處先從頭額起者名天奪丹以升麻葛根湯母  
子同服餘皆起於胸背流入四肢者輕起於四肢  
流入胸腹者重有此總皆先砭惡血爲要砭血之  
後先用精猪肉縫片貼之一時許換如意金黃散  
用水芭蕉根搗汁調敷甚者日換二次內以太連

翹飲消毒犀角飲五福化毒丹毒氣入裏腹脹堅  
硬不乳者紫雪散下之三日後身漸徹涼死血之

處肉便軟活聲清腹軟乳哺如常者順反此爲逆

升麻葛根湯

升麻葛根湯爲藥  
木通甘草同煎服

柴胡梔子共連翹  
丹毒遊行効最高

治丹毒身體發熱面紅氣急啼叫驚搐等症服

升麻

乾葛

白芍

柴胡

黃芩

山梔

各錢

木通

甘草

各五分

水二鍾煎八分不拘時每半盞服

大連翹飲

大連翹飲 梔子 歸 荆防 升 麥 柴 岑 等

車前 滑石 石膏 隨 蟬蛻 木通 牛子 宜

治小兒丹毒發熱痰涎壅盛一切諸瘡疥疹頸項生核或傷風傷寒時行發熱等症並宜服之

連翹

瞿麥

滑石

車前子

牛蒡子

赤芍

山梔

木通

當歸

防風

黃芩

柴胡

甘草

荆芥

蟬蛻

石膏

各五分

永二鍾燈心二十根煎八分母子同服

消毒犀角飲

消毒犀角飲防風

加土黃連甘草同  
赤遊丹腫効神功

治小兒丹毒身熱氣喘啼聲驚搐不寧等症服

犀角

鎊

防風

各一錢

甘草

五分

黃連

三分

右水二鍾燈心二十根煎四分徐徐服之

紫雪散

紫雪於羊犀角同  
玄參沉木香并藥

片麻寒水石膏逢  
硝片硃砂金箔從

治小兒赤遊丹毒甚者毒氣入裏肚腹膨脹氣

急不乳卽宜此藥救之來治傷寒熱燥發狂及

外科一切毒毒在內煩躁口乾恍惚不寧等症

升麻

寒水石

石膏

犀角

羚羊角

各一兩

玄參

二兩

沉香

木香

各五錢

甘草

八錢

水五碗同藥煎至一碗濾清再煎滾投提淨朴硝三兩六錢微火漫煎水氣將盡欲凝結之時傾入碗內下硃砂冰片各二錢金箔一百張各預研細和勻碗頓冰內候冷凝成雪也大人每用一錢小兒二分十歲者五分徐徐嚥之卽効



病重者加一錢亦可或用淡竹葉燈心湯化服

針砭法

針砭法來針砭法  
筋頭復向針上敲

披針頭向患中插  
敲出血來以筋刮

治小兒赤遊丹毒紅赤焮腫遊走不定須砭之

用披針鋒尖向患上以烏木重筋在針上而擊

之密砭去血多者爲妙血紅者輕紫者重黑者

死砭畢溫湯洗淨用乾精猪肉縫大片貼砭處

一時許方換如意金黃散水芭蕉根搗汁調敷

如意金黃散

見腫  
瘍門

治小兒赤遊丹毒紅如硃熱如火走如雲散及  
遍身不定者用水芭蕉根搗汁調敷加蜜亦可

五福化毒丹

見胎  
疳門

走馬疳第一百十一

走馬疳言患迅速不可遲延故也其患多在痧痘餘  
毒所中又有雜病熱甚而成者其患牙根作爛隨  
便黑腐作臭甚者牙齦脫落根柯黑朽不數日間  
以致穿腮破唇誠爲不治初起宜用蘆薈消疳飲

外用人中白散或冰硼散二藥搽之取去黑腐肉  
見紅肉血流者爲吉如取時頑肉不脫腐爛漸開  
焮腫外散臭味不止更兼身熱不退者俱爲不治

蘆薈消疰飲

蘆薈消疰飲薄荷  
并麻牛子於羊角

玄參甘草其柴胡  
梔子黃連竹葉扶

治小兒走馬牙疰身熱氣龕牙齦腐爛氣味作  
臭以及穿腮破唇者並服之

蘆薈

銀柴胡

胡黃連

川黃連

牛蒡子

玄參

桔梗

山梔

石膏

薄荷

羚羊角

各五分

甘草

升麻

各三分

水二鍾淡竹葉十片煎六分食後服

人中白散

人中白散功奇絕薄荷冰片要精研

黃柏兒茶青黛列口疳摻上湯沃雪

治小兒口疳走馬疳及牙齦腐爛黑臭者極効

人中白

研壺者佳煨紅二兩

孩兒茶

一兩黃柏

薄荷

青黛

各末六錢冰片

五分

共再研極細先用溫湯漱淨吹藥疳上日用六

七次吹藥涎從外流爲吉內收涎毒入裏爲凶  
牙疳五不治

口臭涎穢者一不治 黑腐不脫者二不治  
牙落無血者三不治 穿腮破唇者四不治  
用藥不効者五不治

水礪散

見咽  
喉門

重舌第一百十二

大人小兒重舌乃心火妄動發之當以線針點刺患

上令出惡血內服解毒瀉心湯外以冰硼散搽之  
又有紫舌木舌亦由心火而發用飛鹽加冰片少  
許勤搽出涎自愈又有痰氣結於舌上成核作痛  
硬强者用線針點破出血用冰硼散搽之服後藥  
黃連瀉心湯黃連瀉心湯芩連薄荷甘草連翹等荆芥山梔牛子攢  
木通加上効如括  
治大人小兒心火妄動結成重舌木舌紫舌脹  
腫堅硬語言不利者並宜服之

黃連

山梔

荆芥

黃芩

連翹

木通

薄荷

牛蒡子

各一錢

甘草

五分

水二鍾燈心二十根煎八分食後服

針刺法治重舌木舌紫舌脹等疾腫脹疼痛硬強不語又兼舌根併兩齒合縫盡處作腫瘀肉塗塞口禁難開俱用此法刺之用麤線針扎在筋頭上在患處點刺出血紅紫毒輕紫黑毒重患甚者數十點皆可血盡溫湯漱之甚者金鎖匙蘸者水研散

搽患上流去熱涎內服涼膈散清涼飲俱可選用

金鎖匙

冰礪散

涼膈散

四順清涼飲

俱見咽喉門

胎瘤第一百十三

胎瘤者初生小兒頭上胸乳間腫起大者如偃小似梅李此皆胎中瘀血凝滯而成雖候兒滿月外方可用針刺破內如赤豆汁則安內服五福化毒丹

五福化毒丹

五福化毒丹連桔

青黛人參赤茯苓甘草硃砂金箔呈



治小兒蘊積胎毒以及諸瘡癰疹傷風斑症口  
舌生瘡疹涎壅盛譫言煩躁夜睡不寧者並効

玄參

桔梗

赤茯苓

各二兩

人參

各三錢

黃連

龍膽草

青黛

牙硝

各一兩

甘草

五錢

冰片

五分

硃砂

三錢

金箔

二十張  
爲衣

右爲末煉蜜丸芡實大每服一九薄荷燈心湯  
化服及治瘡疹後餘毒上攻口齒涎血臭穢以  
生地黃汁化下如無地黃竹葉燈心湯亦可用

驚口瘡第一百十四

驚口瘡皆心脾二經胎熱生致致滿口皆生白斑雪片甚則咽間疊疊腫起致難乳哺多生啼叫以青紗一條裹筋頭上蘸新汲水揩去白胎以淨爲度重手出血不妨隨以冰硼散搽之內服涼膈之藥

冰硼散

見咽  
疾門

涼膈散

見齒  
病門

痘癰第一百十五

痘癰乃原痘溜漿不足毒流於脾肺二經致手脚胸

背結成漫腫大如桃李此多發在收靨之後身涼  
不渴者爲吉有此不必內消宜太乙膏貼上候膿

熟針之元氣虛弱者兼服保元湯助脾胃健胃爲要

保元湯

保元湯力効無窮 救用扶危立大功  
甘草參芪兼白朮 棗姜加上起痰癰

治痘癰出膿之後脾胃虛弱膿清不斂者服之

人參

黃芪

白朮

各一錢 甘草 三分

薑一片棗二枚水二鍾煎八分食遠服

痘疔第一百十六

痘疔乃痘毒升發不盡留痘心肝二經者發之初生  
紫點次日變黑毒淺者浮高而潤毒甚者深陷而  
焦其發多出於七朝上下將靨之際又生於臀腿  
手足身溫疤潤音清者吉發在肚腹腰腎身熱色  
枯聲啞者凶凡見此者急用針刺疔根插入蟾酥  
條候四邊裂縫疔搖動者用刀割去搽玉紅膏生  
肌完口如針無血插藥乾枯不變膿者終爲不治  
但此症屬有餘首尾俱宜加減鼠粘子湯爲要也

加減鼠粘子湯

加減鼠粘子湯  
荆芥山桅甘草

花粉知母其燕  
燈心竹葉難忘

鼠粘子

天花粉

知母

荆芥

山桅

各六分

甘草

三分

水二鍾淡竹葉燈心各二十件煎服

身熱加柴胡黃芩

有痰加麥冬貝母

咽啞加玄參桔梗

咬牙加薄荷石膏

便秘加蜂蜜玄明粉

昏憤加黃連硃砂

茄枯加當歸生地

戀疔加蟬蛻川芎

八珍湯

見潰瘍門

治痘疔落後氣血虛弱膿水出多不能生肌收

歛宜服之

蟾酥條

見疥瘡門

玉紅膏

見腫瘍門

黃水瘡第一百十七

黃水瘡於頭面耳項忽生黃色破流脂水頃刻沿開  
多生痛痒此因日晒風吹暴感溼熱或因內食溼  
熱之物風動火生者有之治宜蛤粉散搽之必愈

蛤粉散

蛤粉散治黃水瘡

膿水沿開痒痛當  
水調敷上即時光

蛤粉

石膏

煨各粉  
一兩輕粉

黃栢

生碾各  
五錢

共爲細末涼水調搽冬月麻油調亦好

真君妙貼散

見腫  
瘍門

治黃水瘡痒痛脂水亦効

大人口破第一百十八

口破者有虛火實火之分色淡色紅之別虛火者色  
淡而白斑細點甚者陷露龜紋脉虛不渴此因思  
煩大甚多醒少睡虛火動而發之四物湯加黃栢

知母丹皮肉桂以爲引導從治法也外以柳花散  
搽之實火者色紅而滿口爛斑甚者腮舌俱腫脉  
實口乾此因膏粱厚味醇酒炙烤心火妄動發之  
宜涼膈散外搽赴筵散吐涎則愈如口舌生瘡舌  
乾黃硬作渴者加減八味丸以滋化源俱禁水漱

柳花散

柳花散內君黃栢 青黛肉桂栢兼續  
冰片加之爲末吹 虛陽口破功奇速

黃栢

淨末

一兩 青黛

三錢

肉桂

一錢

冰片

二分

各爲細末共再研磁罐收貯每用少許吹之



赴筵散

赴筵散內栢苓連  
梔子乾薑一處攪  
細辛加之各等分  
吹搽口破卽安然

黃連

黃栢

黃苓

梔子

乾薑

細辛

各等分

爲末吹患上

四物湯

見瘰癧門

涼膈散

見咽喉門

加減八味丸

癰疽潰瘍門

臭田螺第一百十九

臭田螺乃足陽明胃經溼火攻注而成此患多生足

指脚了隨起白班作爛先痒後痛破流臭水形似

螺曆甚者脚面俱腫惡寒發熱先宜甘草湯洗淨  
貼蟾酥餅三日三枚後用珍珠散猪脊髓調搽膏  
蓋焮腫上真君妙貼散敷之其腫漸消戒便步履

蟾酥餅

見疥  
瘡門

珍珠散

見下  
疔門

真君妙貼散

見癰疽腫瘍門

### 牛程躑躅第一百二十

牛程躑躅途奔急熱脚下水見風以致氣滯血枯結  
成頑硬皮肉榮衛不滋漸生腫痛腫高突起支脚

難行久則破裂膿水相流每日溫湯淨洗搽牛角散又有內膿攻注皮頑難破者以大線針眠頭挑破出膿乃寬硬皮敲破者剪而去之肉不生者玉

紅膏長之肉滿不生皮者珍珠散搽上生皮乃愈

牛角散

牛角散中牛角燒 松香輕粉不相饒  
本方加上水龍骨 升隨相兼好和調

牛角尖

燒灰

水龍骨

松香

輕粉

各等分

共爲末牛骨髓調搽虛弱者兼服十全大補湯

玉紅膏

見腫瘍門

珍珠散

見下疳門

僂螂蛙第一百二十一

僂螂蛙多生手指節中不紅不熱腫如蟬腹乃手少陰痰氣凝滯而生初起不疼日久方痛痛久方腐腫仍不消蟾酥餅膏貼漸作稀膿近者一載遠者三年此屬體弱者有之內兼補劑免變癆瘵之病

蟾酥餅

見并  
瘡門

田螺泡第一百二十二

田螺泡多生手足忽如火燃隨生紫白黃泡此脾經

風溼攻注不久漸大脹痛不安線針挑破泄去毒水太乙膏蓋挑破又生者內服解毒瀉脾湯可愈

解毒瀉脾湯

解毒瀉脾湯牛子石膏甘草黃芩等

防風蒼朮共山梔木通燈草劫堪推

防風

牛子

山梔

石膏

黃芩

蒼朮

甘草

木通

各一錢

水二鍾燈心二十根煎八分量病食前後服之

太乙膏

見腫瘍門

蟾酥條

見疥瘡門

玉紅膏

見腫瘍門

腭痛第一百二十三

腭者皆起於手足乃風寒氣鬱於皮毛致血不榮於肌表謂皮槁則多痛似無皮之狀是腭苦生焉將患上葱湯浸洗良久隨以潤肌膏擦之就暖勿見風冷白愈又每久逢冬卽發者須三伏時晒搗爛大蒜間擦三次不再發謂寒因熱治其理甚明矣

陰虱第一百二十四

陰虱又名八脚虫也乃肝腎二經濁氣而成生此不

爲清吉銀杏散津調擦之內服六味地黃丸每斤  
加蜜炒黃柏一兩蘆薈五錢以清化源愈後不發

銀杏無憂散

銀杏無憂散麝香  
雄黃狼毒併芦薈

水銀輕粉杏仁良  
一擦何須不笑顏

水銀

鉛製

杏仁

去皮搗膏

輕粉

雄黃

狼毒

蘆薈

各一錢

麝香

一分

除水銀杏仁膏餘藥共碾篩細入上二味再研  
勻先用土萹蒲魚湯洗之川針挑去虱孔隨用  
津唾調擦使藥氣入內愈不復生切忌牛犬  
肉

六味地黃丸

見脾  
難門

葡萄疫第一百二十五

葡萄疫其患多生小兒感受四時不正之氣鬱於皮膚不散結成大小青紫斑點色若葡萄發在徧體頭面乃爲癩症自無表裏邪毒傳胃牙根出血久則虛人斑漸方退初起宜服羚羊散清熱涼血久則胃脾湯滋益其內又有牙根腐爛者人中白散

羚羊角散

羚羊角散同知母  
甘草麥冬淡竹葉

黃芩牛子共玄參  
止血消斑功最靈



羚羊角 防風 麥冬 玄參

知母 黃芩 牛子各八分 甘草二分

水二鍾淡竹葉十片煎六分食遠服

胃脾湯

胃脾湯內甘草陳  
茯苓白朮併遠志  
麥冬五味共沙參  
脈虛自汗服安寧

白朮 茯苓 陳皮 遠志

麥冬 沙參各六分 五味子 甘草各五分

水二鍾煎六分食遠服虛弱自汗者去沙參加

人參黃芪各五分

人中白散

見口  
疳門

百蟲入耳第一百二十六

百蟲入耳乃偶然悞入之如蠅蚊細蟲入耳以麻油  
數點滴入竅中蟲亦自死取出如蜈蚣蜜蜂等大  
蟲入者以肉炙香安耳邊其蟲聞香自出有蟲夜  
間暗入者切勿驚慌响叫逼蟲內攻宜正坐點燈  
光向耳竅其蟲見光自出對面有人見其蟲不出

惡蟲叮咬第一百二十七

惡蟲乃各稟陰陽毒種而生見之者勿觸其惡且如  
蜈蚣用鉗蝎蜂用尾惡蛇以舌螫人自出有意附  
毒害人必自知其惡也凡有所傷各尋類而推治  
蜈蚣咬傷疼腫驟發用蟾酥餅磨濃塗傷處用麤紙  
撚蘸麻油點少用烟焰薰之疼腫自消又方用雄  
雞糞搗水塗之又方用頭垢搽傷處以撚焰薰之  
蝎有雌雄二種雄者螫人痛在一處雌者痛牽徧體  
用井底泥敷痛處乾則易之一時無泥取新汲水

以青布隨痛處搭之溫則再易又方五月五日用  
黃蠟二兩溶化將凝時投雄黃硃砂細末各三錢  
和勻捏成餅窩仍用貓兒眼草白汁端午時滴入  
窩內陰乾愈久愈佳復捏成塊密收臨用一米許  
刺針尖上以燈焰化開滴正螫之處其疼卽止矣  
蛇毒傷人用雄黃末蘭葉搗汁調敷腫上內用半枝  
蓮搗爛取汁二兩熱酒四兩和汁服之蓋汗爲効  
仍用渣敷傷處亦妙又方隨傷卽用端午收採蒼

耳草末五錢水煎一鍾熱服蓋汗卽安如無端午  
收採者使用常日採取陰乾煎服一兩發汗亦効  
七寸蛇青色扁形尖尾短足紅口者毒輕青口者毒  
重以舌螫人其毒最惡初螫時用雄黃末一錢生  
礬二錢杓內溶化將筋頭點藥傷處冷則易之連  
點七次遂愈毒氣入裏者解毒紫金丹酒磨服一  
錢蓋汗卽愈遲延毒走臆痛者麻油煖薰之亦瘥  
河鮑毒血毒中人舌麻心悶自鼻根搗汁冷飲子毒

中人昏悶腹脹口禁難言金汁解之非此不能也  
人面瘡第一百二十八

人面瘡古言有生者近世之罕聞矣其生病異而受  
之必異瘡象全似人面眼鼻俱全多生膝上亦有  
臂患者據方書皆云積冤所致先須清心懺悔改  
過自新然後方服十六味流氣飲外用貝母爲末  
敷之乃聚眉閉口次用生肌飲口藥亦可得愈矣

十六味流氣飲

見流  
注門

候吞針鐵骨硬咽喉第一百二十九

候吞針刺硬咽疼者用亂麻筋十團搓龍眼大以線穿繫留線頭在外湯溼急吞下咽頃刻扯出其針頭必刺入麻中同出如不中節再吞再扯以出爲度候吞銅物者多食葶薺化堅爲軟若吞鐵骨之物腸中不能轉送覺墜者多食青菜猪脂自然送入大腸從糞同出諸骨哽喉用玉簪花根八錢各隨所犯之肉爲引煎湯服之轉出乃愈又諸骨

哽於咽下不能外出者烏龍針推之骨下則安矣  
烏龍針治骨哽於咽下難出者用細鐵線燒軟雙頭  
處用黃蠟作丸龍眼大裹鐵線頭上外用絲綿裹  
之推入咽內哽骨處其骨自然順下矣不下再推  
又方治諸骨哽喉玉簪花根切片煎湯漱之徐徐吐  
出其骨自軟再用乾飯嚥之自下

中砒毒第一百四十

砒毒者陽精大毒之物服之令人臟腑乾涸皮膚紫



黑氣血乖逆敗絕則死初服知覺早者大蘭根葉  
搗汁灌之輕則可解無蘭處以生菜豆同水研爛  
以水灌之多則爲効如不解者以金汁灌之必甦  
甦後如顛不語者每日以棗豆水飲之毒盡則愈  
取金汁法用大毛竹一連二節用刀劈去外青一半  
用磚扎節中沉入大糞池內一年後取起以長流  
水浸一日取起鑽開節孔內蓄糞清磁罐收貯凡  
遇有中砒毒河鮑傷寒陽毒發狂疔瘡痧症毒氣

入裏煩躁口乾渴欲飲水脈大有力者並宜此藥  
落下頰拿法第一百三十一

落下頰者氣虛之故不能收束闕竅也患者平身正  
坐以兩手托住下頰左右大指入口內納槽牙上  
端緊下頰用力往肩下捺開闕竅向腦後送上卽  
投闕竅隨用絹條兜頰於頂上半時許去之卽愈  
救自刎斷喉法第一百三十二

自刎者乃迅速之變須救在早遲則額冷氣絕必難

救矣初刎時氣未絕身未冷急用絲線縫合刀口  
搽上桃花散多搽爲要急以綿紙四五層蓋刀口  
藥上以女人舊布裹脚將頭擡起周圍纏繞五六  
轉扎之患者仰臥以高枕枕在腦後使項鬱而不  
直刀口不開冬夏避風衣被覆暖待患者氣從口  
鼻通出以姜五片人參二錢川米一合煎湯或稀  
粥每日隨便食之接補元氣三日後急手解去前  
藥用桃花散搽刀口上仍急纏扎三日急用濃

葱湯軟絹蘸洗傷處搥乾用抵脚挑玉紅膏放手  
心上捺化捺於傷口處再用舊綿花薄片蓋之外  
用長黑膏貼裏周圍交扎不脫近喉刀口兩傍再  
用黑膏長四寸闊二寸豎貼膏上兩頭粘貼好肉  
庶不脫落外再用絹條圍裏三轉針線縫頭冬月  
三日夏月二日每用葱湯洗搥換藥自然再不疼  
痛其肉漸從兩頭長合內服八珍湯調理月餘如  
大便結燥用猪胆套法不可利藥利之雙額俱斷

者百日單斷者四十日必收功完口此法曾治強盜郭思皂隸沙萬家人顧興俱雙賴齊斷將危者用之全活單賴傷斷者十餘人治之俱保無虞矣

桃花散

見跌撲門

玉紅膏

見腫瘍門

如聖金刀散

見金瘡門

八珍湯

見潰瘍門

陰毒第一百三十三

陰毒乃純陰無陽被天時寒冷肅殺之氣侵入肌膚沉於骨髓致氣不能升血不能行凝滯經絡疼痛

切骨初起不腫不熱朝輕暮重久則作腫漸紅爛  
斑黑腐臭水淋漓穢氣薰蒸腐爛漸開終久必死  
一人年三十歲冬月隔溝與隣婦私交房事方畢  
忽婦夫回慌忙隔溝赴水而走熱身受寒五日後  
小腹大髀陰痛不腫日夜响叫至一月後谷道傍  
生一爛斑黑腐倒陷諸藥不効至半月大髀連黑  
腐爛作臭乾腐無膿十日大臑俱壞黑敗而死也  
又一人年四十歲夏月好飲火酒至夜赤身露卧

夕  
手膊連背陰疼難忍一月後肩發爛斑一塊周圍  
微硬色如紅棗日漸延開半月後手膊半背共成  
黑臙臭穢不堪一月不食而死一人中年肥胖亦  
冬夏好飲火酒飲後隨喫涼水方臥一日頸項作  
疼微腫堅硬如石二月外項大如頭石硬不熱此  
陰毒也辭不可治後請別醫治之項同身大乃異  
症不食而死又一人夜夢城隍拘見責打二十喊  
叫其妻喚醒隨後受刑處燉腫作疼青紫急脹視

之真棒毒也用針刺破流瘀血碗許外肉腐爛作  
疼調聖兩月而安此亦陰毒故附記之後人可閱

失榮症第一百三十四

失榮者先得後失始富終貧亦有雖居富貴其心或  
別去欲不遂損傷中氣鬱火相凝隧痰失道停結  
而成其患多生肩之已上初起微腫皮色不變日  
久漸大堅硬如石推之不移按之不動半載一年  
方生陰痛氣血漸衰形容瘦削破爛紫斑滲流血



水或腫泛如蓮穢氣薰蒸晝夜不歇平生疙瘡愈  
久愈天越潰越堅犯此俱爲不治予立二方曾治

數人雖不獲全愈而不夭札速死者誠緩命藥也

和榮散堅丸

和榮散堅歸地參  
丹酸遠栢併龍齒

茯陳木附貝南星  
蘆薈硃砂與角沉

治失榮症堅硬如石不熱不紅漸腫漸大者服

歸身

熟地

茯神

香附

人參

白朮

橘紅

各五兩

貝母

南星

酸棗仁

遠志

楮子仁

丹皮

各一兩

龍齒

一對煨無龍齒鹿角尖二兩煨代之

蘆薈

角沉

各八錢 硃砂

六錢爲衣

右爲細末煉蜜丸桐子大每服八十九食後用  
合歡樹根皮煎湯送下患者若改往從新澹薄  
甘命其中有得愈者十中一二否則難脫然也  
飛龍阿魏化堅膏

治失榮症及瘦瘤乳岩瘰癧結毒初起堅硬如  
石皮色不紅日久漸大或疼不疼但未破者俱

用此貼用蟾酥丸藥末一料加金頭蜈蚣五條  
炙黃去頭足研末同入蒸就乾坤一氣膏二十  
四兩化開攪和重湯內頓化紅段攤貼半月一  
換輕者漸消重者亦可停止常貼保後無愈矣  
試知百病死生法第一百三十五

死生非神聖不能洞其機關疾病無明醫亦不能決  
其凶吉匪則使人疑或決斷不常予異授呂祖一  
枝梅真仙方也不敢私秘一例刊註以傳槩世云

呂祖一枝梅

堪羨呂祖一枝梅  
雄癩銀珠珠砂等

芭荳革仁靈胎髓  
識死知生不改移

治大人男婦小兒新久諸病生死難定之間用藥艾實大一餅貼印堂之中點官香一枝香盡去藥已後一時許藥處有紅斑暈色腫氣飛散謂紅霞捧日病雖危篤其人不死如貼藥處一時後無腫無紅皮肉照舊不變謂白雪漫野病雖輕淺終歸冥路一兒急慢驚風一切老幼痢疾俱貼之紅腫卽愈此方用之可預知生死也

硃砂

錢三

銀硃

錢五分

五靈脂

錢三

麝香

三分

草麻仁

五分

雄黃

芭荳仁

各五分

不去油

右各研細於端午日淨室中午時共研加油臙脂爲膏磁盒收藏勿經婦女人手臨用荳大一圓捏餅貼印堂中其功立見用過餅送入河中造孽報病說第一百三十六

惟症出於非端事必因乎有據感應篇曰若開如是花便結如是果一黃冊書手每至甲首家務要親

雞一隻先食頭尾一歲二熟下鄉殺雞不計其數  
一朝數盡口中生出如菌大小六枚填塞滿口湯  
水難下視之乃孽疾也辭不可治又請一醫用刀  
割去次日又生如舊延至六十日肌膚盡削存骨  
如柴而死○一竿鎗戶傷殘生身假如每日十命  
一歲共計三千六百盡屬死於無辜況其雛子不  
得生者多矣彼生子三人俱至六七歲遍身先發  
紅點痒痛異常數日後點如鑽趙腐爛流血口稱

百鳥相啄令人趕打不去至月外氣血瀝盡俱亡  
予後勸解燒毀竿矢合族持齋六十二歲生一子  
方得長成而立○一人五十餘歲家衆養雞十餘  
隻一朝衆雞齊叫彼怒之將衆雞兩脚齊肘安檻  
上剝斷其雞亂命飛跳血盡而俱死一年後足生  
脫疽筋骨伶仃流血不止令妾將刀割去脚骨瀝  
盡氣血而亡○一富家窩訪兼養鷹犬五十後方  
生一子二歲左右頭角生孔二處俱已露骨視之

乃孽病也不敢言其不治奉上藥方修合用之無  
効請衆醫治之強投藥餌延至三歲而歿其人後  
遭橫事死於非命○一莊家獵事爲樂五十後遍  
身生塊破後腐爛見骨素知彼養鷹之報予曰欲  
治其病先當杜養鷹犬然後施治則可彼從之內  
服益氣養榮之藥外用甘草當歸煎洗仍搽玉紅  
膏長肌完口三月餘而愈二年後復養鷹犬又一  
年六月內得患陰症而歿次子十歲赴水而死已



上數條係乎的實皆出於不仁慘戮生靈之報也  
一訟師作中興訟破衆家私傷殘骨肉不計其數  
一日大腿腫痛堅硬如石疼苦異常常欲以繩繫  
足高懸梁上其疼乃止如放下疼卽如砍予知孽  
報辭不可治似此兩月日至午時親友四人相看  
忽聞腿內大嚮一聲其腫卽歸大髻腫如巴斗其  
腿卽消髻腫痛不着席將布兜懸挂其疼方可又  
兩月百苦而終又一年其妻遍身發腫如癩作痒

非常破流脂水其時十月孟冬常欲赤身相露其  
痒稍止如着衣被其痒卽生如蟲攻刺予知孽報  
亦辭之後至隆冬赤身流水而死此異常之報也  
所謂逆天害理雖由已古往今來放過誰無漏矣  
仙方活命飲今古不同論第一百三十七

古人朴實其七情干涉者少而從風寒暑溼外感凝  
滯者多故設仙方活命飲攻散所滯之腫服此得  
効者十常八九乃患者五臟不虛耳今人穿鑿大

過七情煩攪之甚而內臟無有不傷每見此症曾服過此藥其瘡必不起發脾胃再無不損若瘡不起發脾胃傷敗患者豈有得生至此自于天命今之治法不論首尾標本先必固脾胃次行托藥謂本立而道生病無不活予見如此幸同道者察焉

拾遺症第一百三十八

拾遺者因條款分門遺失未及細詳但本病立門以正病爲主而從病故有失焉今查補註以便觀治

之鼻疔生於鼻內痛引腦門不能運氣脹塞鼻竅  
甚者唇腮俱腫○牙疔生於牙縫之中頂高突起  
痛連腮項破則流血○黑疔生於耳竅之內黑硬  
腐爛破流血水疼及腮額以上之症俱先針刺次  
行發汗仍照疔類調治○喉癰生於咽外正中腫  
痛妨碍飲食紅腫發熱必欲潰膿軟而脹痛者針  
之內服補托之藥玉紅膏搽貼長肌完口又有腐  
潰內通湯水隨孔出者曾治數人俱亦無妨○臍

疽生在膊上連肩通腫長堅而硬○兌疽生在當  
手動脈之處腫痛寒熱痛徹手膊舉動不便○鳳  
眉疽發在兩目之間形長皮赤痛引腦戶二目合  
縫光腫發熱○透腦疽發在額上髮際之間多發  
寒熱頭疼如斫不可忍耐先用萬靈丹發汗解散  
風邪次宜清托○附陰疽生在內踝上三寸初生  
小泡漸生赤腫破流血水痛亦徹骨不能步履○  
咬骨疽發在大腿內股不腫不紅痛徹骨髓初宜

雷火針針之內服萬靈丹酒調服効○陰疽生於  
右腿夾縫之下三寸痛連陰子小腹亦疼○玄疽  
生於左腿夾縫之下三寸漫腫連陰疼及大腿○  
淵疽發在脇下初起不紅堅硬久則破潰有聲如  
嬰兒啼狀膏蓋無聲去膏仍有異哉難治晒不能  
也○玉枕疽生在腦後枕骨中堅而難潰痛引脊  
項鼻塞氣脰此太陽膀胱溼熱凝滯而成大抵以  
上之症有各而生者鮮矣初起有表症者便宜解

表有裏症者卽與通利潰後宜補托久則宜收斂  
此爲一定治法不可混亂妄投藥餌致其危亡也

唇風第一百三十九

唇風陽明胃火上攻其患下唇發痒作腫破裂流水  
不疼難愈宜銅粉丸泡洗內服六味地黃丸自愈

銅粉丸

銅粉丸中官粉禁黃連膏子同水片

輕粉銅青與射香糊眼唇風並難

銅青

錢五

官粉

錢三

明礬

錢一

輕粉

錢一

麝香

一分五厘

冰片

一分二厘

黃連

二兩切片煎稠膏

右共爲細末黃連膏丸如芡實大每用一九湯  
泡紙蓋每洗頓熱上面清水勤洗之其患自愈  
繃縛背瘡第一百四十

至於發背對口大瘡等疾已潰流膿時冬夏宜絹帛  
四五層放貼膏藥外用綿布見方八寸四角用  
蛇皮細帶紵之安蓋絹上以帶扎在胸前胸繃實瘡  
上庶使瘡中暖氣不泄易於腐潰洗瘡時預備二  
繃更換務要患內暖氣烘烘此法最善故亦補之



癰疽內肉不合法第一百四十一

癰疽對口大瘡內外腐肉已盡惟結痂膿時內肉不  
粘連者用軟綿帛七八層放患上以絹扎緊將患  
處睡實數次內外之肉自然粘連一片如長生成  
之肉矣有患口未完處再搽玉紅膏其肉自平矣

煉玄明粉法第一百四十二

冬至後用潔淨朴硝十斤用水一斗五升白蘿蔔五  
斤打碎同硝入鍋內煮化候湯滾足撈去蘿蔔將

竹綵箕以綿紙二層攤鋪箕內架在新缸上以硝湯徐入箕內候折再添以湯濾盡爲度將缸搭在天井露三日其硝結在缸邊傾去餘水瀝乾爲止將硝取下再用砂鍋頓炭爐上將硝一碗化開煎滾以銅匙鏟攪將成凝結時鏟入小魚酢罐內上空寸許再下硝煉如此已畢每一罐下用五丁品字樣釘入土地上留寸半在外將罐浮頓釘頭上用瓦片蓋口周圍用段磚砌百眼鑪圍遶離罐寸

半許將着炭火入鑪內四圍底火頂火一槩相護  
候礮硝紅爲度次日取出硝來預用大綿紙攤在  
潔淨陰土地上將礮碾細用絹篩篩在紙上一錢  
厚再不許多將門榻俱已關閉不許與人見之三  
日後其礮自然復活色白如粉輕虛成片將鉢盛  
收紙蓋之上再用亂紙寸許以收潮氣庶不凝結  
此品最能降火化痰清利臟腑怪症服之可蠲狂  
燥用之卽愈搜除百病安欽心神況此服之不傷

元氣惟久病者不宜大人每服三四錢小兒  
五分至一錢皆可俱用白滾湯或葱湯空心化服  
候行二三次隨飲稀粥自然爽快精神調和臟腑  
津液頓生百病如失又煨過硝石六兩加硃砂三  
錢青黛一錢水片一錢五分共碾細末照前篩紙  
上再用紙蓋一層四邊以戒尺壓緊勿令走氣候  
三日外取起密收又名陽春紫雪最治失心忘志  
顛癇健忘小兒急驚大人異症每服五分至一錢

俱用淡竹葉燈心湯化服屢有奇効不可盡述玄  
明粉乃神仙保命服食每一斤加生熟甘草末一  
兩葱湯化服二三錢令人悅澤容顏輕身耐老矣  
取紅鉛法第一百四十三

女子十四歲而天癸至此陰中之真陽氣血之元稟  
遇此將行時兩顛先若桃花之狀陽獻陰藏其經  
只在半月之裏必來預用白綿紬一尺五寸洗淨  
時常用綿帶一條束臍下綿紬兩尖頭前後繫帶

上中間常兜陰器小便解下頭便罷卽繫之經至  
盡染袖上取初至紅鉛一顆大如魚眼紅色明亮  
如珠此爲接命至寶隨與好酒一杯和服一時後  
如醉不醒只以人乳飲之一日後自甦已後能絕  
房事者延壽一紀餘經換袖兜取陰乾侵上白童  
便內片時其經自然脫下取置磁盤內陰乾聽用  
如不昇煉者謂之全紅鉛亦可補益虛勞接續命  
脉如次經已後但未破身者俱可取聚陰乾磁蓋

昇煉色如紫霜一般合入三元丹內人乳服之接  
命長年却除百病此方神秘不宜輕泄故不可傳  
但取紅鉛之女生平愛惜飽暖適時無拘束爲上

煉金頂砒法第一百四十五

用鉛一斤小礮內炭火煨化投白砒二兩於化洋鉛  
上煉烟盡爲度取起冷定打開金頂砒結在鉛面  
上取下聽用

煉消石法第一百四十五

用潔淨朴硝半觔礮內炭火鎔化煎乾煨紅佳火冷  
定取出卽成硝石礮收聽用利實火不利虛火也

取蟾酥法第一百四十六

用蟾不拘大小其酥俱有用潤銅鑷鑷蟾眉稜高肉  
上微緊拔出酥來凝聚鑷裏多則括下陰乾聽用  
其取過之蟾避風二日仍送青草園中自然不傷  
其生如取之便見風下水俱成破傷風顛狼而死

製附子法第一百四十七



大附子一兩之外方用鹽數幾枚以童便浸滄三寸  
每日換便浸至夏三冬五再換童便者煮盡二香爲  
度去皮臍線穿陰乾或日中晒硬亦可收藏聽用

昇白靈藥法第一百四十八

水銀二兩用鉛一兩化開投入水銀聽用火硝二兩  
綠礬二兩明礬二兩共碾爲末投入鍋內化開炒  
乾同水銀碾細入泥護陽成確內上用鐵蓋蓋之  
以鐵梁鐵杵左右用燒熟軟鐵線上下紮緊用紫

土鹽泥如法固口要烘十分乾燥爲要架三釘上  
砌百眼爐中先加底火二寸點香一枝中火點香  
一枝頂火點香一枝隨用小確安滾湯在傍以筆  
蘸湯擦擦盞內常溼勿乾候三香已畢去火確待  
次日取起開出藥來如粉凝結盞底上刮下靈藥  
收藏聽用凡瘡久不收口用此研細摻上少許其  
口易完若入於一槩收斂藥中用之其功奇甚捷

製寒食麵法第一百四十九

用白麵一觔外再以麵半觔調稠厚捍成薄片二塊  
將前麵包合於中周圍捏緊合口於清明正日蒸  
熟掛透風處陰乾用麵包藏勿經女手越久越効  
逐日人神歌第一百五十

初一十一二十一 大拇鼻柱手小指初二二十二  
十二外踝髮際外踝位初三三十三二十三 股內牙  
齒足股肝初四十四二十四 腰間胃脘陽明手初  
五十五二十五 口舌遍身陽明足初六十六二十

六手掌胸前又在胸初七十七二十七內踝氣冲  
及在膝初八十八二十八手腕股內併在陰初九  
十九二十九在尻在足膝脛後初十二十三十日  
腰背內踝足趺覓此爲太古相傳針灸莫犯爲吉  
十二時入神歌第一百五十一

子踝丑腰寅在目

卯面辰頭巳手熟

午胸未腹申在心

酉背戌頭亥腹續

尻神歌訣第一百五十二

屍神圖



此神農所置一歲起坤  
 二歲震逐年順飛九宮  
 週而復始行年到處則  
 所主敗切忌針灸慎勿  
 犯之否則變生他病慎

右九宮屍神歌

屍神所在有根由

坤內外踝聖人留

震宮牙齶分明記

巽位還居乳口頭

中宮肩骨連尻骨

面目還從乾上遊

手膊兌宮難砭灸

艮宮腰項也須休

離宮膝脇針難下

坎肘還連肚脚求

爲醫精曉屍神訣

萬病無干禁忌憂

十干日不宜用針犯之病多反覆

申不治頭乙耳喉

丙肩丁背與心求

戊巳腹脾庚腰肺

辛滕壬當腎脛收

癸日不宜針手足

十干不犯則無憂

製炒諸藥第一百五十三

前方諸藥未註炮炙今開於後凡藥必遵雷公炮炙  
入藥乃効如未製生藥入煎不爲治病反爲無益譬  
如人食餼饌不用烹炮生食者豈不害人當熟思之

人參

潤色明亮堅實  
爲主輕脆不堪

天門冬

湯泡  
去心

麥門冬

去心

生地黃酒浸 熟地黃酒蒸 白朮米泔炒 蒼朮米泔炒

黃芪蜜水拌炒 甘草消毒生用 捕托炙熟 酸棗仁炒 研

遠志湯泡去心 微炒 五味子炒 研 肉蓯蓉去鱗 洗

牛膝酒洗 破故紙炒 當歸酒洗 白芍微炒 黃色

白蒺藜去刺 玄參去根 香附童便浸炒 柴胡去蘆

黃芩酒炒 黃連解毒生用 止嘔姜汁拌炒 龍膽草酒炒

知母鹽水拌炒 瓜蒌仁去殼 去油 貝母去心 陳皮去白

桔梗微炒 防風去蘆 乾薑炒 黑 附子童便浸煮



半夏

姜汁水

煎為

湯泡去皮

草烏

湯泡去皮尖

巴戟

湯泡去心微焙

南星

煨有為末入牛胆內者

威靈仙

去根

仙茅

米泔浸蒸去皮

三稜

湯泡

澤瀉

蒸

大黃

實人生用虛人炙用

海藻

酒洗

昆布

酒洗切絲

牡丹皮

去精

王不留行

炒

牛蒡子

炒

連翹

去梗碾

金銀花

去梗葉

牽牛

生用炒用

地骨皮

去梗

肉桂

去麁皮

茯苓

去麁皮

枸杞子

去蒂

琥珀

布包槌碎

同碾

如麁細

山梔

碾炒焦

黃栢

鹽水拌炒

山茱萸

去核

杜仲

鹽水拌炒斷絲

桑皮

蜜米拌炒

辛夷

去蒂

乳香

去油  
爲末

沒藥

去油  
爲末

枳殼

麩皮  
炒

厚朴

姜汁  
製炒

巴豆

去油  
爲霜

皂莢

去皮  
煨

五倍子

去蝨  
末炒

蓮肉

泡去  
皮心

山查

去核

桃仁

泡去  
皮尖

杏仁

泡去  
皮微炒

芒硝

湯煮  
提淨

石膏

煨  
末碾

雄黃

透紅  
明亮

硫黃

去  
脚

礞砂

淨明  
潔白

礞砂

白色  
透明

砒霜

白色  
明亮者

自然銅

醋  
七次

黃丹

水飛  
炒紫

龍骨

生用  
煨用

牛黃

輕虛  
色黃

麝香

去毛  
皮

犀角

鎊  
末

羚羊角

鎊  
末

龍齒

煨存  
性

蜂蜜

煉去  
白沫

蟬蛻

去  
土

斑蝥

川米  
去翅足

姜蠶

去絲  
微炒

全蝎

酒洗  
去毒

蜈蚣

炙去頭足

蚯蚓

翻去腹土

田螺

去殼晒乾

牡蠣

煨研

石決明

煨

珍珠

豆腐內煨數滾布包搥碎同燈心碾末

人中末

煨研

紅鉛

法註未卷

以上藥品凡本書內應用製炒泡炙者錄之不泡炙者未錄

醫家五戒第一百五十四

一戒凡病家大小貧富人等請視者便可往之勿得遲延厭棄欲往而不往不爲平易藥金毋論輕重

有無當盡力一例施與自然生意日增毋傷方寸  
二戒凡視婦女及孀婦尼僧人等必候侍者在傍然  
後入房眇視倘傍無伴不可自看假有不便之患  
更宜真誠窺視雖對內人不可談此因閨閫故也  
三戒不得出脫病家珠珀珍貴等送家合藥以虛存  
假換如果該用令彼自製入之倘服不効自無疑  
謗亦不得稱讚彼家物色之好凡此等非君子也  
四戒凡爲醫者不可行樂登山携酒遊玩又不可片

時離去店中凡有抱病至者必當親視用意發藥  
又要依經寫出藥帖必不可杜撰藥方受人駁問  
五戒凡娼妓及私夥家請看亦當正已視如良家子  
女不可他意兒戲以取不正視必便回貧窘者藥  
金可璧病回只可與藥不可再去以圖邪淫之報

醫家十要第一百五十五

一要先知儒理然後方知醫業或內或外勤讀先古  
明醫確論之書須旦夕手不釋卷一一參明融化

機變印之在心慧之於目凡臨症時自無差謬矣  
二要選買藥品必遵雷公炮炙藥有依方修合者又  
有因病隨時加減者湯散宜近備丸丹須預製膏  
藥愈久愈靈線藥越陳越異藥不吝珍終久必濟  
三要凡鄉井同道之士不可輕侮傲慢與人切要謙  
和謹慎年尊者恭敬之有學者師事之驕傲者遜  
讓之不及者薦援之如此自無謗怨信和爲貴也  
四要治家與治病同人之不惜元氣斷喪太過百病

生焉輕則支離身體重則喪命治家若不固根本而奢華費用太過流蕩日生輕則無積重則貧窘五要人之受命於天不可負天之命凡欲進取當知彼心願否體認天道順逆凡順取人緣相慶逆取子孫不吉爲人何不輕利遠害以防還報之業也六要凡里中親友人情除婚喪疾病慶賀外其餘家務至於饋送來往之禮不可求奇好勝凡食只可一魚一菜一則省費二則惜祿謂廣求不如儉用

七要貧窮之家及遊食僧道衙門差役人等凡來看  
病不可要他藥錢只當奉藥再遇貧難者當量力  
微贈方爲仁術不然有藥而無火食者其命亦難  
入要凡有所蓄隨其大小便當置買產業以爲根本  
不可收買玩器及不緊物件浪費錢財又不可做  
入銀會酒會有妨生意必當一例禁之自絕誹怨  
九要凡店中所用各樣物具俱要精備齊整不得臨  
時缺少又古今前賢書籍及近時名公新刊醫理



詞說必尋參閱以進學問此誠爲醫家之本務也  
十要凡奉官衙所請必當速去毋得意緩要誠意恭  
敬告明病源開具方藥病愈之後不得圖求匾禮  
亦不得言說民情致生罪戾閑不近公自當守法  
以上五戒十要乃保身保家守成之法故直言而不  
支當置於座右朝夕一覽若有賢能子孫倘遵而行  
之則可以成家立業若不聽信必有飢寒不足之憂  
凡人何不預聽直待臨時追悔進退兩難將何及矣

開割披針喉針形第一百五十六

披針古之多用馬啣鐵爲之此性軟不鋒利用之多難入肉今以鋼鐵選善火候鐵工造之長二寸濶二分半圓梗扁身劍脊鋒尖兩邊芒利用之藏手不覺入肉深淺自不難也如膿深欲其口大直針進而斜針出劃開外肉口則大矣喉針長六寸細桔扁頭鋒尖刺喉膿血者皆善

補遺汗斑方

蜜陀僧散

硫黃

雄黃

蛇床子

各二錢

石黃

蜜陀僧

各一錢

輕粉

爲末醋調搽患上

歸脾湯

補遺

甘草

五

三

外科正宗卷之四

終